



金石萃編 百五十九之六十一 止




漢書門			
類	號	函	架
二	二	一	六
七	七	二	三
三	三	七	六
冊	冊	冊	冊

內閣文庫			
漢	號	冊	函
二	二	一	六
四	四	七	三
七	七	三	一
三	三	七	六
冊	冊	冊	冊

內閣文庫			
番號	漢	2473	
冊數	63 (63)		
函號	297	110	








金石萃編卷一百五十九

賜進士出身 誥授光祿大夫刑部右侍郎加七級王昶謨

金六



改建題名碑

碑連額高七尺二寸廣三尺七寸作三截上截二十
四行行十六字中截三十行下截十三行俱人名字
數參差不等正書
篆額在西安府

改建題名之記

漢澤吳聽書丹

涇湄盧元撰額

府庠舊有題名然附他貫者皆闕而不書議者疑之正

大乙酉 行省 外郎 集賢上黨張公以幕府餘暇
閱月校試因覽是碑謂諸生曰 國家設學之意教
育均矣每遇大比勝不乏人至於紀錄獨取此舍彼則
恐于獎勵之道未備迺命耆宿參訂名籍自高平李公
簡之而下得二十有八人刊之貞石以發幽光使朋來
求價者履跡景慕指某人隸業於此而登第某氏宦游
於此而成名思與並驅爭先其益可勝既耶舊碑之建
也制度頗狹歷年滋久得人加多凡來書榮者或投隙
抵罅僅容數字一何略也今茲告成極其宏壯前所不
載者俱見擴錄額不俾歎噫後之登科者請隨榜如式

書之儻易舊矩而作新意非所望也敢以此告是年十

二月中澣日門人孔叔利謹記

大定十九年張行簡下 李仲略 高平 賈益 通州

大定二十二年張甫下 焦炯 開封

大定二十五年徐躔下 李秉鈞 大定

明昌五年張檝下 趙去非 定州

經義楊雲翼下 趙思文 定州

承安二年呂造下 賀天祐 三原 劉光謙 大興 高國鈞

鶴野

經義李著下 馮璧 真定

永安五年閻詠下 武洵直 武功 高嵩 遂城 劉從謙 安

邑

泰和三年許天民下 王嗣初 同州

大安元年經義第一 邢天祐 浮山

崇慶二年黃裳下 仇庭用 扶風

貞祐三年程嘉善下 馮辰 整屋 王元舉 扶風 高宇

人勝 恩

興定二年張口安下 李介 遼陽

興定五年劉遇下 口猷臣 口口 蘇遵 臨晉 李獻誠 河

中 李恒亨 河津

經義喬松下 李獻甫 河中

正大元年王鶚下第二人劉繪 獻州司 張柔中 大同楊

侯 大興 張邦憲 信州 李元 偃師 牛炳 河中 吳芝 澤州

邳邦用 定安

經義張介下 張琚 京兆 張珪 京兆

正大四年盧亞下 孔叔利 平陽 吳聽 澤州 張珩 京兆

正大七年李塘下 任嘉言 汾州 劉源 雲陽 龐漢 太原

郭士元 口晉

經義孟德淵下 盧翔 豐潤

學錄吳聽

學正安濟

承直郎 省差教授賜緋魚袋邳邦用立石

太中大夫東運司戶判兼提舉學校李暉

長安樊世亨刊

按此與前碑同爲京兆府學進士題名之碑前碑止於興定二年所載祇京兆本貫之登進士者此碑專載他貫之肄業京兆而登進士者起大定十九年迄正大七年凡十五科共四十三人據孔叔利記祇得二十八人殆立碑後增刻十五人也記文有云某人隸業於此而登第某氏宦游於此而成名可知當時取士之途亦甚廣矣金史載狀元姓名惟哀宗紀正大元年書詞賦進士王鶚以下四年書詞賦經義進士盧亞以下七年書經義詞賦進士李瑋以下追攷以前興定五年但書經義進士考官於常額外多放喬松等十餘人其詞賦進士劉遇則不書至興定二年但書武舉溫迪罕繳佳以下一百四十人及第又書詞賦經義進士及武舉人入見賜誥命章服而姓名不書碑書張口安泐一字賴證以前碑知其爲張仲安也自此以前則紀皆不書矣碑載貞祐三年程嘉善爲詞

金史編卷二百五十九 金六 四

賦進士第一人攷金史李獻能傳獻能貞祐三年
特賜詞賦進士廷試第一人宏詞優等授應奉翰
林文字中州集亦云獻能年二十一以省元賜第
廷試第一人皆與碑不同碑載詞賦經義第一者
凡十八人內張甫一人金史有傳係武人非此碑
張甫餘有可攷者七人張行簡金史傳字敬甫大
定十九年進士第一人除應奉翰林文字累官翰
林學士承旨貞祐三年卒謚文正中州集稱其天
下言家法言禮樂言文章言德行者唯張氏爲第
一張張樞中州集字五濟先世秦州長春人有官於

山陰者遂占籍焉樞明昌五年詞賦第一人仕至
鎮戎州刺史文賦詩筆截然有律度時人甚愛重
之楊雲翼金史傳字之美其先贊皇檀山人六代
祖忠客平定之樂平縣遂家焉明昌五年進士第
一詞賦亦中乙料授應奉翰林文字累官禮部尙
書兼侍讀正大五年卒年五十九謚文獻中州集
云百餘年以來大夫士身備四科者惟公一人而
已李著中州集字彥明真定人承安二年經義第
一人在翰林七年累遷彰德府治中城陷避堦上
掘堦倒而死閻詠中州集作閻長言字子秀濟南

長清人少日慕張忠定之為人故名詠避衛紹王

諱改焉衛紹王諱永濟其卽位在泰和八年間詠登第在承安五年爲衛紹王卽位前八年

其時未好學工詞賦嘗以第一流自負平生多奇

夢果魁天下士論厭服在翰苑十年出爲河南府

治中被召以道梗不得前卒王鶚元史傳字百一

曹州東明人工詞賦金正大元年中進士第一人

出身授應奉翰林文字累官左右司郎中天興三

年蔡陷將被殺萬戶張柔救之輦歸世祖卽位建

元中統首授翰林學士承旨五年乞致仕十年卒

年八十四謚文康張介金史傳字介甫平州人正

大元年經義進士第一時爲國用安參議中州集

云介彭城人歷鞏穀熟二縣令幼有賦聲以上皆

第一人之可攷者也進士四十三人中有可攷者

十一人李仲略史附李晏傳晏子字簡之澤州高

平人登大定十九年詞賦進士第調代州五臺主

簿累授山東東西路按察使泰和五年卒謚襄獻

性豪邁剛介特立所任以幹濟稱賈益史附賈少

冲傳字損之通州人中大定十九年進士調河津

主簿累爲太常卿元光九年卒趙思文中州集字

廷玉永平人明昌五年進士貞祐中陷沒都城間

關南渡累拜禮部尚書壬辰天興二年卒官劉光謙中

州集字達卿瀋州人泰和三年進士累官司農少

卿碑載光謙大興人承安二年進士未審卽一人

否馮璧史傳字叔獻真定縣人承安二年經義進

士制策復優等累官同知集慶軍節度使致仕正

大九年河南破北歸又數年卒年七十九中州集

璧別字天粹致仕後居崧山龍潭者十餘年諸生

從之游與四方問遺者不絕賦詩飲酒放浪山水

間人望以為神仙山中多蘭中春作華山僧野客

人持數本詣公以香韻清絕為勝少劣則有罰謂

之鬪蘭所釀松醪東坡所謂歎幽姿之獨高者惟

叔獻能盡之是後松醪鬪蘭遂為山中故事馮辰

中州集字駕之臨潼人碑作貞祐三年進士辟涇

陽令九歲知作詩李獻誠史附李獻能傳河中人

先世有為金吾衛上將軍者時號李金吾家迨獻

能昆弟皆以文學名從兄獻卿獻誠從弟獻甫相

繼擢第故李氏有四桂堂李獻甫傳字欽用獻能

從弟興定五年登進士第歷咸陽簿累遷鎮南軍

節度副使兼右警巡使死蔡州之難年四十張邦

憲史附忠義禹顯傳字正叔泰州人碑作信登正

大中進士第碑作正大元年為永固令天興二年避兵徐

州卓翼率兵至城邦憲被執遂遇害張琚中州集

字子玉河中人碑作京兆人刻意於詩五言所長詩人

喜稱道之至有張五字之目不言其登進士此碑

載張琚是正大元年經義進士未詳是一是二龐

漢中州集字茂宏平晉人碑作太原人正大末年進士

待次內鄉北山兵亂遇害碑載龐漢正大七年詞

賦進士正大尙有八年未可云末中州集小異諸

進士之可攷者如是至劉從謙無攷而史有劉從

益傳渾源人大安元年進士碑載從謙安邑人貫

與渾源相近或為從益之兄弟行李恒亨無攷而

史有李復亨傳滎州河津人與碑載恒亨同貫或

亦兄弟行識以備攷題名止於正大七年哀宗紀

是年四月大元兵平鳳翔府兩行省棄京兆遷居

民於河南而國勢日蹙踰三年而亡進士之試不

復舉行然則是碑竟與金運同其終矣

黃華老人詩刻碑四紙各高七尺廣三尺一寸五分四

行行字數不等行書在大理府雙塔寺

王庭筠

王母祠東古佛堂人傳棟宇自隋唐年深寺廢無僧住

金石錄卷一百五十九
八
滿谷西風栗葉黃
手拄一條青竹杖興來日掛百錢遊名陽欲下山更好
深谷無人不可留
帝遣名山護此邦千家落落嶺西窻山人乞與山前地
鶴托先開二十雙
掛鏡亭西掛玉龍半山飛雪舞天風寒雲欲上三千尺
人道高歡避暑宮

按此碑刻黃華老人七絕四首不署題及年月雲
南通志雜記卷載黃華老人詩金翰林王庭筠四
絕句原在黃華山嘉靖間僉事崔官攜帖至榆李

元陽重摹之今碑在大理雙塔寺所載詩正與此
四詩大同惟字句稍異者碑云興來日掛百錢遊
志作自挂深谷無人不可留志作深林千家落落
嶺西窻志作千家瑟瑟嵌西窻鶴託先開二十雙
志作招客先開四十雙挂鏡亭西挂玉龍志作臺
西寒雲欲上三千尺志作直上又帝遣名山一首
碑作第三志作第四挂鏡亭西一首碑作第四志
作第三此恐志別有所本也金史王庭筠傳字子
端河東人登大定十六年進士第調恩州軍事判
官累調館陶主簿明昌元年四月召庭筠試館職

中選御史臺言其在館陶嘗犯賊罪不當以館閣處之遂罷乃卜居彰德買田隆慮讀書黃華山寺因以自號中州集不載此四詩其小傳云子端詩文有師法高出時輩之右字畫學米元章其得意處頗能似之平生愛天平黃華山水居相下十年自號黃華山主河南通志黃華山在彰德府林縣西二十里林慮山內山有三峯名仙人樓玉女臺魯般門其頂突出雲表名摩雲峯連峙若屏名連屏峯羣峯磊落如人名聚仙峯下有黃華谷志併載王庭筠詩三絕句一帝遣名山一王母祠東一挂鏡臺西而次首手挂一條云云志所不載其次序與碑異者王母祠東一首碑作第一志作第二帝遣名山一首碑作第三志作第一挂鏡亭西一首碑作第四志作第三其字之異則河南志與雲南志同大抵崔官所攜之帖詩與黃華山舊本同而河南志刪其一首也庭筠隱黃華在明昌元年以后而其作此詩不知在何年黃華山寺與雙塔寺兩處之刻詩亦皆無年月可繫今姑附金末

楊奐碑

碑上闕四字搨本高六尺廣二尺五寸二十四行每行存五十三字末行以後文不全正行書在乾州

金石錄卷一百五十九
金故河南路課稅所長官兼廉訪使楊君神道之碑
河東元好問撰

柳城姚燧書并篆額

君諱奐字煥然姓楊氏乾之奉天人唐鄴國公之二十世孫也譜系之詳見君自敘載之先大夫墓銘茲得而略之曾大父楸大父超道父振是爲蕭軒翁及上二世皆在野母程嘗夢東南日光射其身旁一神人以筆授之已而君生蕭軒以爲文明之象就爲制名君甫勝衣嘗信口唱歌有紫陽閣之語扣之不能答也未冠夢游紫陽閣景趣甚異後因以自號年十二丁內艱哀毀如

成人日蔬食誦孝經爲課人以天至稱焉又五年州倅宗室永元謂翁曰若老矣守佐重以按牘相煩聞若有佳兒姑欲試之卽檄君爲倉典書時調度方殷君掌出納朱墨詳整訖歲終無圭撮之誤倅愛之謂他日當有望勸之宦學師鄉先生吳榮叔指授未幾迥出倫輩賦業成卽有聲場屋間不三十三赴廷試興定辛巳以遺誤下第同舍盧長卿李欽若欽用昆季惜君連蹇勸試補臺掾臺掾要津仕子慕羨而不能得者君答書曰先夫人每以作掾爲諱僕無所似肖不能顯親揚名敢貽下泉之憂乎正大初朝廷一新敝政求所以改弦更張者

君慨然草萬言策詣闕將上之所親謂其指陳時病辭
旨剴切皆人所不敢言保爲當國者所沮忠信獲罪君
何得焉君知直道不容浩然有歸志卽日出國門而西
教授鄉里者五年歲己丑乾州請爲講議安撫司辟經
歷官京兆行尙書省以便宜署君隴州經歷皆辭不就
再以參乾恒二州軍事親舊爲言世議迫隘不宜高蹇
自便始一應之庚寅京師春試授館左丞張公信甫之
門張公嘗謂人曰諸孫得君主善老夫沾丐抑多矣癸
巳汴梁陷微服北渡羈孤流落人所不能堪君處之自
若也冠氏帥趙侯壽之延致君待之師友間會門生朱
極自京師輦書至君得聚而讀之東平嚴公喜接寒素士
子有不遠千里來見者嚴公久聞君名數以行藏爲問
而君終不一詣或問之故曰不招而往禮歟且業已主
諸侯矣將無以我爲三乎戊戌 天朝開舉選特詔
宣德課稅使劉公用之試諸道進士君試東平兩中賦
論第一劉公因委君考試雲燕俄從監試官北上謁領
中書省耶律公一見大蒙賞異力奏薦之 宣授河
南路徵收課稅所長官兼廉訪使 陛辭之日言於
中令公曰僕不敏誤蒙不次之用以書生而理財賦已
非所長又河南兵荒之後遺黎亡幾亨鮮之喻正在今

金石錄卷一百五十九
日急而擾之糜爛必矣願公假以歲月使得拊摩創罷
以爲 朝廷愛養基本萬一之助中令甚善之君初
蒞政招致名勝如蒲陰楊正卿武功張君美華陰王元
禮下邳薛微之澠池翟致忠太原劉繼先之等日與商
略條畫約束一以簡易爲事按行境內親問監務月課
如干難易若何有循習舊例以增額爲言者君訶之曰
剝下罔上若欲我爲之邪減元額四之一公私便之官
長所臨率有餽餉君一切拒絕之亦有被刑責沒財物
于官者不踰月政成官民以爲前乎此蓋未有漕司惠
吾屬之如是也在官十年乃請老于燕之行臺以猶子

元楨襲職壬子九月

王府驛召入關尋被

教

參議京兆宣撫司事累上書乃得請閒居鄉郡築堂曰
歸來爲佚老之所雖在病卧猶召子弟秀民與之酒諭
之曰吾鄉密邇豐鎬民俗敦朴兒輩皆當孝弟力田以
廉慎自保毋習珥筆之陋以玷傷風化及病革處置後
事明了如平時敕家人吾且死勿以二家齋醮貽識者
笑遂引觴大噱望東南炷香命門生員擇執筆留詩三
章恬然而逝春秋七十實乙卯歲九月之一日也後五
十七日葬於郡東南十里小劉里先塋之次夫人陳氏
劉氏祔焉禮也君三娶吳氏子男四人保垣元肇嵩山

緱山皆早天元肇者在孕有異風骨不凡齟齬知讀書
八九歲聞君授卽通大義尋爲人講說十二以羸疾至
于不幸君喪之盡然有童烏之感女四人長嫁郡人張
篋次華陰王亨二幼者在室初泰和大安閒入仕者惟
舉選爲貴科榮路所在人爭走之程文之外翰墨雜體
悉指爲無用之技尤諱作詩爲其害賦律尤甚至此下碑闕
今據於經爲通儒文爲名家不過翰苑六七公而已君
授學之後其自望者不碌碌舉業旣成乃以餘力作爲
詩文下筆卽有可觀嘗撰扶風福嚴院碑宋內翰飛卿
時宰高陵見之竒其才期君以遠大與之書曰吾子資

稟如此宜有以自愛得於彼而失於此非僕所敢知也
君復之曰辱公特達之遇敢不以古道自期飛卿喜曰
若如君言吾知韓歐之門世不乏人矣興定末關中地
震乾守呂君子成徧禱祠廟請爲祝文凡二十有四首
援筆立成文不加點在鄠下日中秋燕集一寓士忌君
名諷諸生作詩請君屬和君被酒謂客曰欲觀詩者舉
酒欲和以次唱韻意氣閑逸筆不停綴長韻短章終夕
成三十九首長安中目爲鄠郊卽席倡和詩傳之性嗜
讀書博覽強記務爲無所不闕眞積力久猶恐不及寒
暑飢渴不以累其業也中歲之後目力漸減猶能燈下

閱蠅頭細字夜分不罷作文剗刮塵爛創爲裁製以蹈襲剽竊爲恥其持論亦然觀刪集韓文及所著書爲可見矣禮部閑閑趙公平章政事蕭國侯公內翰馮公屏山李公皆折行位與相問遺御史劉公光輔編脩張公子中諸人與之年相若而敬君加等河朔士夫舊熟君名想聞風采又被三接文衡又有在所過求見者應接不暇其爲世所重如此暮年還秦中秦中百年以來號稱多士較其聲聞赫奕聳動一世蓋未有出其右者前世關西夫子之曰今以歸君矣有還山集一百二十卷槩言十卷紀正大以來朝政號近鑑者三十卷正統六

十卷其自敘曰正統之說所以禍天下後世者凡以不出於孔孟之前故也且夫湯武之應天順人後世莫可企及猶曰予有慙德武未盡善後世僻王槩以正統之傳非私言乎今立八例曰得曰傳曰襄曰復曰與曰陷曰絕曰歸始皇十年貶絕陷者何懲任相之失也太宗傳之而曰得者何志奪宗之惡也責景帝者何短通喪也責明帝者何啟異端也與明宗者何有君人之言也與周世宗者何世宗而在禮樂可興也如是八例其說累數十萬言以謂不如是則是非不白治亂不分勸戒不明雖綿歷百千萬世正統之爲正統昭昭矣此書往

往人間見之有詰難者則曰吾書具在豈復以口舌爲辨後世有賞音者君不治生產不取非義仕宦十年而家無寸金之業然其周困急卹孤遺扶病疾助葬祭習以爲常力雖不贍猶強勉爲之與人言每以名教爲言有片善則委曲獎藉唯恐其名之不著或有小過失必以苦語勸止之怨怒不計也評者謂君志立而學富器博而用遠使之官奉常歷臺諫掌辭命治賓客必有大過人者白首見招日暮途遠有才無命可爲酸鼻丙辰冬十月予閒居西山之鹿泉員生自奉天東來持京兆宣撫使商挺孟卿所撰行狀以墓碑爲請且道君臨終念念不相置畱語殷重以謨述爲顧惟不腆之文曷足爲君重竊念風俗之壞久矣冰雪互寒往復四千里爲其師爲不朽計門弟子風詣如生者幾人此已不可辭况於平生之言乃勉爲論次之而系以銘其銘曰

有文者螭於跌者龜是爲關西夫子楊君之碑顧瞻佳城泣焉涕洟學道之難成使人傷悲君擅名場深藜孤罷迨乎駢儷而變古雅快潛蛟之雲飛謂君不逢歟奪回谿而澗池一命而佩金紫何若若兮纍纍鄙賓於唐世久衰微河潤九里蔚松檟兮增輝謂君爲逢歟徒以文窮而自喜斬伐俗學力涸筋疲世無元聖之矣望伯

起其庶幾白首太元坐為悠悠者之所譏繫正統之無
適從職予奪之非宜君排諸儒斥偏執與詭隨彼月旦
之有評且曩是而今非豈有一定罪功之名而槩終世
之成虧我黜我升我招我麾不主故常不貸毫釐自我
作古奚竊取為自非慨然任當仁之重能不懼於西河
之見疑維鼎之為器也雖小而重屹神寶而弗移孰謂
漢唐甚盛之際亦不免於窮運之攸歸我車司南爾輒
背馳傳者嗟誰異時有如君家子雲者出邈千載兮求
知

中統五年建巳月立元好問撰文姚燧正書并篆額

在乾州碑文往往與史合惟作萬言策未及上歸教
授鄉里後安撫使辟經歷官京兆行尚書省以便宜
署君隴州經歷皆辭不赴應參乾恒二州軍事庚寅
春試授館張公信甫之門等事史不及之耳又史言
著還山集六十卷天興近鑑三卷碑云還山集一百
二十卷紀正大以來朝政號近鑑三十卷亦異燧與
之弟三女婿

關中金
石記

按此碑全文二千六百餘字當時或有碑陰或刻
二石今搨本僅得一紙自於經為通儒以下全闕
約一千六百餘字此搨上截每行整闕四字又間

金石錄卷一百五十九
有泐文左上角石已損闕今取元遺山文集補全
不復旁注取其瞭然可讀也立碑歲月元集不載
据關中金石記稱中統五年建巳月立當由得見
全搨也元遺山卒于丁巳歲此碑撰于丙辰十月
在未卒之前一年姚燧書篆自署柳城人元史燧
傳稱燧字端甫世系見燧伯父樞傳樞傳則云柳
城人後遷洛陽碑署柳城者從其祖貫也史言燧
生三歲而孤育於伯父樞樞謂燧蒙暗教督之甚
急燧不能堪楊奐馳書止之曰燧令器也長自有
成爾何以急爲且許應以女年十三見許衡於蘇

門十八始受學於長安二十四始讀韓退之文試
習爲之云云此碑云女四人長嫁郡人張篋次華
陰王亨二幼者在室不言第三女許姚燧考燧傳
至大元年年七十除承旨學士四年得告南歸明
年復召不赴卒于家年七十六當爲延祐元年甲
寅歲推其生在元太宗己亥歲至丙辰遺山撰文
之年得十八歲若燧書碑在是年碑文應有三女
嫁姚燧之明文何以云幼在室也奐史傳僅五百
七十字較碑祇存十之二然皆取碑文有刪無增
京兆府學教養碑奉天楊煥書當卽此楊奐是楊

金石錄卷一百五十九
名又作煥也碑云壬子九月王府驛名入關所稱
王府卽世祖故傳云世祖在潛邸驛召與參議京
兆宣撫司事元史世祖紀壬子帝駐桓撫間奏立
從宜府於京兆夏遣王府尙書姚樞立京兆宣撫
司以孛蘭及楊惟中爲使關隴大治與之參議正
在是時碑云與以乙卯歲九月一日卒後五十七
日葬是十月二十七矣而文以丙辰十月始撰又
九年而始立碑皆不與葬同時中統無五年是年
八月丁巳改元至元碑以己月立故仍稱中統傳
稱賜謚文憲而不著何年此碑亦未載則在立碑

以後矣與之葬所碑稱在郡東南十里陝西通志
載楊掾史振墓在乾州東南十里子與與父振葬
同處振以貞祐四年正月七日葬於州南小劉村
新塋城南翁墓次据碑不詳父振爲掾史而振號
蕭軒翁不號城南翁未知通志又何本也碑云戊
戌試東平兩中賦論第一耶律公薦之宣授河南
路徵收課稅所長官元史食貨志太宗甲午年始
立徵收課稅所凡倉庫院務官并合于人等命各
處官司選有產有行之人充之其所辦課程每月
赴所輸納邵遠平元史類編楊與傳引與自著還

山集云歲己酉中書耶律公以軍國大計舉近世轉運司例經理十路課稅易司爲所黜使稱長相豐歉察息耗以平歲入聽中書省總之此碑題課稅所長官正是易司爲所黜使稱長之時則當在己酉年矣碑云所著有還山集一百二十卷槩言十卷記正大以來朝政號近鑑者三十卷正統六十卷史傳載還山集六十卷天興近鑑三卷正統書六十卷今攷四庫全書有還山遺稿文一卷詩一卷乃明嘉靖初南陽宋廷佐掇拾殘賸之本而永樂大典未經錄入則其集之亡在明以前矣又

四庫提要云考集中臂僮記稱所著有還山前集八十一卷後集二十卷近鑑三十卷韓子十卷槩言二十五篇硯纂八卷北見記三卷正統記六十卷所載與碑詳略不同然則當撰碑時與所著書已多亡逸也正統記雖亡幸碑載其序例可以得其大指近鑑一書碑傳卷數懸殊至其紀號碑曰正大傳曰天興天興距金亡僅三年若正大以來尙得十年据碑稱正大初朝廷一新敝政君草萬言策指陳時病後知直道不容浩然有歸志然則近鑑一書因不上策而成者似碑所載爲確也顧

俠君元詩選錄魚詩百零五首不知與宋廷佐所
輯同否邵氏元史類編所引還山集中語亦不知
所見何本皆當俟攷碑云丙辰冬十月員生自奉
天東來持京兆宣撫使商挺孟卿所撰行狀以墓
碑爲請員生似卽與臨終時執筆畱詩之門生員
擇其人無攷元詩選有員炎小傳稱其字善卿衛
州人歲己亥故人楊與主漕洛師愍其寔用監嵩
州酒已而隨所徵上謁與方據案坐堂上吏鳧雁
行立炎挂布囊掖下杖巨挺直前曰楊使君不相
知置我于此吾不能爲汝再辱遂揖而去此人當

是員擇族人碑不載己亥年事亦可廣碑所略史
商挺傳字孟卿曹州濟陰人年二十四汴京破北
走依冠氏趙天錫與元好問楊與遊東平嚴實聘
爲諸子師癸丑世祖在潛邸受京兆分地聞挺名
遣使徵至鹽州楊惟中宣撫關中挺爲郎中明年
惟中罷廉希憲來代陞挺爲宣撫副使据此則其
時宣撫使是廉希憲挺實爲副疑遺山集脫副字
也

國書碑

碑連額高七尺廣二尺五寸二十
三行字數多寡不等連額並國書

馬利也皮矢艾伏舌夏个阜泉額

口馬口奉米艾范更米矢口伏舌口个阜

泉題

口要义与瓦瓦夫尻戊來史孟支午土月

五日若而音与土邕斥夷且

后口 田尺丁兵出夏若夫阜斥天五月

又干口大口口占列东全昂皮口口反口口

屏百力木斥邕羊火米夏久刮出并步奈

尸火并半尺弓竿东屏床并口二子五夏并

灾在右冬屏史尿卓初东全夫口及戊天中

走美帝人米屏于巾史口文史夏并口升

口舌皮右子口艾床口中弓史夫床牙利

金久西丑吴夏中粟支并文正火火屏各为

更更夫竿判金右火西五尤夫天支太并史

床父走布史句口刀出阜西五并西光申斥

口口皮夷天号口口致口口冬父冬米用

夫舍而吳草唐列去禹艾义为休义于卦艾皮炎

栗壳大仕虫初岸余兼男艾采文文文九鼎

口口若刃草米米米天西西斥今父冬米用

舌丙艾艾芳休为单卒車全平口先口口若

夫西入男小古夫号用茶此初益庚戌于扇夫
而中庶味史寧六苗戊文平角年夫九角史年
口斥布今斥关束未更壳文志升布又主夫并
夫赤甲辰主男亲果五环五扇升史升史合天奇
及我不文正卷号
角成布升史角房口口口厚父仔支及史于庚
吉沃文鸟太
史又岂
显羊走夷单升林斥久失斥右半恭外天祗申及
仔月口矣矣

伏以焚致

舟利土

而刃刃布不夷天斥命角承侯

斥哭天斥口其何忍而夷史去灵用父年号

共伐天斥达夫右半恭休支岂友半申及及余

斥生

斥灭杀杖天斥朴岂早气史人休祭公旁主

丑月丹日取斥表桌卓下天支采芳并

十月十五日

呈单王及伐丑夷尻卓每更丙斥壳文斥外支支
冬右半件斥可矣久为支太支采于受此表而

茂日

夆友父亥商升表其比卓角更孚斥

太長曲申 支戈冬右夆何 戈京史玻

允佉义斥屏 因申斥允五 禾 史

有及氏曲 友压不肩别 史

冬米夙余 卉 西連帶

之太車丙夷 南米西史丙 申午艾米冬令夏

弋 申午夾米六

束亢 冬衣曲申 泉夾席果友米

卓美也美奔

出矣 曲歪育 灵不点

允佉个各 卉半亦更

不申泉 申午夾米尚尚 代两史叻皮

禾介英 申史 叻 史 米 友 友

泉及 厩羊尚半奇

允佉夆父全仁 粟火叫及

屏竿英及元 俞角胤此别

手武吉冬夆只弋

夫甫元亦 禾 束

穴休亮余

令人悲惋卽其稍完者萃而置之於藏春軒壁異後之
游觀者興葺之不替然周覽環視必思其人焉時阜昌
癸丑九月初一日東萊新市監趙抃謹記

饒益寺住持僧道顯立石
抃自署爲新市監金史地里志朝邑縣有新市鎮是
也寺在鎮之西梁天監中建唐貞觀二年起浮圖以
明嘉靖地震圯文稱自唐宋以來名人賢士經由往
返莫不於此題名主僧勒之于石案今題名惟宋政
和中賈炎謝卿材二石尙存唐人名跡皆無之矣

金石記

公按今之同州府在後漢時謂之左馮翊建安初乃
置馮翊郡碑故云左馮之東南縣曰朝邑也饒益
寺在縣南十里今尙有鎮名新市者藏春軒壁卽
藏春塢關中金石記云今惟宋政和中賈炎謝卿
材二石尙存謝卿材賈炎二題名已錄見前謝題
乃元豐六年三月賈題亦宣和六年四月皆非政
和中關中記偶誤耳此記刻於癸丑爲阜昌三年
劉豫自阜昌二年金太宗定陝西以其地賜豫故
同州境地爲豫所有刻石紀年乃用阜昌也趙抃
爲監鎮之官而乃哀聚石刻於兵亂之餘俾垂久

遠可謂好古者矣

孟邦雄墓誌

石高三尺七寸廣三尺八寸四十四行行四十四字正書在偃師縣學

大齊故贈通侍大夫徐州觀察使知河南軍府事兼西京留守河南府路安撫使馬步軍總管兼管內勸農使

孟公墓誌銘

朝奉大夫前祕書少監編修國史賜紫金魚袋李杲

卿撰

尚書禮部太史局中官正賜緋魚袋李肅書口篆蓋

公諱邦雄字彥國西京永安人也曾祖諱順妣安氏

祖諱晏妣趙氏累葉不仕考諱恩贈口口大夫母

口氏封恭人公為兒詩已剛介不羣既壯強鷲善騎

射以氣聞里中賢豪有能談兵者必屈折禮事以異有

得焉而後已用是諸家兵法略知大義前宋靖康建炎

間中原喪亂盜賊蜂起嗣王走江浙海內沟沟遮相殘

噬公乃招集亡命旬月間得萬人號曰義師保全一方

力拒羣盜京城留守使司嘉其忠義便宜借補進義校

尉兼差權永安縣尉既而借補承信郎權知永安軍事

累遷修武郎京西河北河東路招捉使以公有心力

能撫軍衆便宜補敦武郎兼閣門祗候仍差河南府西

金石錄卷一百五十九
六縣都巡檢建炎三年三月本路安撫使司改差知汝
州寶豐縣四年正月累獲大功京城留守使司便宜遷
武功大夫榮州刺史仍差權知河陽南城兼管內安撫
使四月差充京城留守司同簽書判官廳公事兼主管
侍衛步軍司仍遷右武大夫榮州團練使許從便宜五
月遷翊衛大夫六月遷中亮大夫改忠州防禦使
大齊開基阜昌改元 公適時知變乃以中亮大夫忠
州防禦使權知河南府兼西京留守管內安撫馬步軍
總管司公事兼管內勸農使歸附 聖朝 朝廷
優加顯秩遷中侍大夫依舊忠州防禦使餘並如故

公迺謂人曰大丈夫事主當一心建功立名期不朽豈
可乍服乍叛以速夷滅哉方思建立以固恩寵適京西
北路安撫總管翟興阻兵負險隔絕道路跳樑不軌殘
忍尤甚 公迺厲志竭忠乘機奮發勸督將士協力赴
功竟致渠魁破蕩巢穴厥績顯著 天子嘉之乃遷
徐州觀察使自是西至關中南至漢上凡兵火隔絕曠
日人迹不通之地一旦水陸舟車田野耒耜賈游於市
商通於路 朝廷得以車書隴右開拓巴蜀皆 公
之力也十月 皇帝遣使賜金帶以光寵之三年六
月 宣詔赴闕上殿 皇帝問以邊事辯對稱

金石錄卷一百五十九
天子愛之賜廣撫封俾臨一路仍
正使號增重帥權特授依前中侍大夫徐州觀察使知
河南軍府事兼西京留守河南府路安撫使馬步軍總
管兼管內勸農使明年正月西賊叛逆順商號三州相
繼變亂虜掠百姓攻圍城邑大兵未集遽入西洛公
不幸被執賊留之軍中意欲活而用之公乃毅然不屈
請卽死之遂力被害享年四十六先是厥父恩被傷
致殞男安世同日被禍三世忠孝萃于一門舍生取義
不失全節方之古人殆無媿也 朝廷哀憫其忠義
贈通侍大夫賜錢千緡及賻贈羊酒米麥等差諸縣夫

役百人以助葬事許其弟武經大夫閣門祗候河南府
路副總管邦傑不妨本職以領葬事七月二十日癸酉
葬于永安軍芝田鄉蘇村之原公娶劉氏封恭人男一
人安世贈朝奉郎女二人並未嫁俟嫁日各賜夫承節
郎 公天性純厚明敏辯博事父母尤孝能以智帥人
與士卒同勞苦資糧與均故人樂任使多立奇功其在
西洛不唯威聲四馳見於將略至於撫衆治民政平訟
理皆出愁歎有古良吏風古之爲將者或以智略或以
壯勇或以死節苟得其一不害爲名將後世將弱兵驕
其能智略壯勇與夫死事奇節顯顯名世者幾希故其

伺敵之來往往內懷怯心外霽威色畏避矢石不敢前
臨時去就心挾二三幸勝則要功力屈則降敵若人者
安能死節王事願死馬革中以報 國家哉 公獨
能兼是數者卒死忠義並驅古人非天賦英烈未易如
是也僕不識 公之面友人將仕郎黃億實客於
公之舍一日狀 公行事之實見祝為文辭不獲已因
為之銘曰

帝造區夏 志清多壘 兇醜跳梁 速誅千紀 公
適時變 赤心欵附 氣吞羣盜 亂庶遄沮 帝用
嘉之 以廣撫封 正彼使號 以旌有功 留鎮西

洛 克服商虢 舟車隴蜀 咸底偉績 董賊亂常
兇焰熾張 死節被執 斷頭不降 以忠捐軀
禍及三世 死馬革中 是謂得志 帝用憫之 厚
葬斯舉 錫以千緡 贈以異數 口安窀穸 永口
幽宅 巍巍高高 與功無極

汴京楊青刊

碑新出土字蹟工秀得虞褚規模良可愛也阜昌為
劉豫年號豫以宋建炎四年為金所立 中州金石記
億按孟邦雄事附劉豫傳後云孟邦雄發永安陵即
其人也今邦雄墓亦為土人掘井出之獨匿此石五

十餘年予宛轉屬覓構之乃詳其始末蓋邦雄永安人自劉豫僭號遂降豫授偽職至中侍大夫徐州觀察使知河南軍府事兼四京留守河南路安撫使馬步軍總管兼管內勸農使案四京以史證之豫升東平爲東京改東京爲汴京又僭位大名及河南府西京并爲四京誌文所云四字蓋謂是也誌稱京西北路安撫總管翟興阻兵負險隔絕道路跳梁不軌殘忍尤甚公乃厲志竭忠乘機奮發勸督將士協力赴功竟致渠魁破蕩巢穴攷興本傳爲京西北路安撫制置使兼京西北路招討使此文乃易安撫招討名

爲總管又傳劉豫將遷汴以興屯伊陽憚之遣蔣頤持書誘興以王爵興斬頤焚其書誌文謂興跳梁不軌殘忍尤甚當指於此至傳所云豫計不行乃陰遣人啗裨將楊偉以利偉殺興攜其首奔豫則此誌以邦雄勸督將士竟致渠魁是於興之隕歿皆由邦雄所致與史頗不相符惟興本傳內小註或云賂偉爲內應以兵徑犯中軍與奮擊墜焉死則邦雄乘機奮發卽當時以兵犯中軍者事亦或然也然則史小註宜爲可據而傳故兩存之也

偃師金石錄

按誌云邦雄西京永安人也葬于永安軍芝田鄉

蘇村之原今河南府鞏縣宋景德四年析置永安
縣金貞元元年改名芝田縣元時廢入鞏縣所謂
芝田縣者蓋卽以鄉爲名則邦雄葬所當在鞏縣
地此石不知何以入於偃師誌載翟興阻兵負險
志事以宋史傳攷之在紹興二年亦卽阜昌二年此
誌蓋脫二年字也其云西賊叛逆順商號三州相
繼變亂虜掠百姓攻圍城邑云云宋史劉豫傳紹
興二年二月知商州董先以商號二州叛附豫十
二月襄陽鎮撫使李橫敗豫兵於揚石乘勝趣汝
州僞守彭玘以城降三年正月庚申李橫破潁順
軍僞守蘭和降壬戌敗豫兵于長葛甲子橫引兵
至潁昌府攻下之三月豫聞橫入潁昌求援于金
豫亦遣將逆戰橫敗績橫軍本羣盜恃勇無律勝
則爭取子女金帛故及於敗四月陷號州誌所稱
西賊似卽指李橫然銘詞有云董先亂常兇焰熾
張死節被執斷頭不降是邦雄死于董手不知董
爲何人豈卽董先耶誌云黃億狀公行事之實見
祝爲文祝與囑同音猶今人言見囑也据本字文
義亦卽祈禱之意猶言祈求也

勅祭忠武王碑

碑連額高九尺廣四尺作兩截上截祭文省牒共三十一行行二十四字下截記二十三行行二十七字

正書篆額在宜川縣

將仕郎臣王寵書

迪功郎臣孟醇篆額

維阜昌六年歲次乙卯九月辛未朔二十一日辛卯

皇帝遣武節大夫閤門宣贊舍人權知丹州軍州事兼

管內安撫司公事兼勸農事劉議昭薦于咸寧郡

王維神昔奮節義為時名臣當奉天之難唐室傾

危致命匡主克殄妖氛載在信史勲庸蔚然故能死而

不朽廟食咸寧英爽稟稟如生有所必應民受賜焉迺

者時雨久愆官僚精禱挹彼靈祠之清泉遂獲嘉

澍槁苗勃興歲事有成長吏以聞深切嘉歎是用祇遣

使人持此名薰式陳明薦庶蒼神休維神其監

之尚饗

尚書禮部

都省付下本省奏禮部呈丹州知州劉議奏為春旱率

吏民詣唐咸寧郡王謚字犯徽祖廟諱武渾城廟祈雨不

及旬日遂獲霑足契勘渾城前朝雖曾用當時謚號真

封兼所賜封爵今來正犯徽祖皇帝廟諱合行

迴避欲望以今來祈禱有應民賴生全特加美號八月

十三日奏得... 聖旨指揮封爵犯... 廟諱字依已
降... 指揮不須別改外內祈雨感應事依已降... 指揮
只特嚴潔... 勅祭以謝今具下項須至符下一恭
依... 聖旨差使臣張整賚... 御香祝版前去
一勅祭用邊豆貳簠簋壹牲牢止用少牢壹牲幣帛壹
其合用篚箱壘洗酒罇爵盞燎草差官行禮籩貳壹實鹿
本州差長吏依祭祀社稷禮數排辦行禮籩貳壹實鹿
脯壹實魚脯豆貳壹實芹壹實鹿羈闕以羊代簠壹實稻米
簋壹實黍米俎案壹羊腥幣帛壹長壹丈捌赤小赤丹
州主者仰恭依前項... 聖旨指揮排辦行禮施行

符到奉行

阜昌六年八月... 日下

員外郎押

員外郎押

唐將咸寧郡渾王在德宗朝為時名臣履折衝之任禦
侮定亂休功偉績著在信史貞元中繇樓煩郡王徙封
咸寧追謚忠武後世興建祠宇血食茲土從本封也丹
陽之民蒙賴德澤凡有所禱應若影響阜昌乙卯歲自
春徂夏久旱不雨民心皇皇郡刺史躬率吏民敬謁祠
下屢獲嘉應前此以守臣有請雖錫真封然止因舊謚

未足以稱褒崇之意仍以封號犯

章有請乞別加美號以荅神休九月辛卯

天子遣使者頒一詔書賚御香祝版

太常定儀式以祀社稷禮遣守臣武節大夫閣門宣贊

舍人權知丹州軍州兼管內安撫司公事兼勸農事劉

議勅祭祠下是日也秋高氣爽祥烟瑞靄飛浮

棟宇巖谷生光士民神人交慶咸以謂自

貞元迄今寥寥數百年神之功烈被民垂光後世

荐被褒嘉寔一時之盛事而聖天子不以疎遠

為閒嘉良吏二千石愛民之意特垂聽納如與

輔相近臣都俞於一堂之上以成康濟之功盛美流

歆羨莫不嘆服而仰慕豈不躋歟阜昌七年正月

初四日奉議郎權丹州軍事推官臣王蔚謹記

承議郎權丹州軍事推官臣王蔚

朝奉大夫特差權通判丹州軍州事兼專一管內勸

農事臣張凡

武節大夫閣門宣贊舍人權知丹州軍州兼管內安

撫司公事兼勸農事臣劉議立石

刊字人臣麻永

碑為偽知丹州軍事安撫使劉議立議以渾忠武王

謚犯徽祖廟諱抗章請避徽祖者豫之祖也李心傳
繫年要錄稱紹興二年四月庚寅豫遷都汴奉祖考
于宋太廟尊其祖忠曰毅文皇帝廟號徽祖宋史以
爲四月丙寅非庚寅者誤也是月壬戌朔庚寅月之
廿九日也史又云豫召迪功郎王寵不至此記爲寵
所書不至之說恐未必是孟醇趙宗室王蔚字叔文

史有傳

關中金
石記

按忠武王渾瑊廟在延安府宜川縣城東南五里
鳳翅山谷廟中有惠澤泉歲旱禱於此唐書渾瑊
傳瑊以平朱泚論功受封繇樓煩郡王徙咸寧唐

之咸寧至宋太平興國初省入宜川屬丹州故宜
川有廟卽瑊所封之地也瑊在唐本封咸寧郡王
宋元豐中追封忠武王亦卽瑊之謚也文避劉豫
祖諱仍稱咸寧郡王此碑因旱禱雨有應有司上
請遂降香勅祭所謂挹彼靈祠之清泉者卽惠澤
泉也碑首云阜昌六年歲次乙卯劉豫以宋建炎
四年九月爲金所立奉金正朔仍稱天會八年十
一月改明年元爲阜昌明年者辛亥年也則乙卯
是五年此云六年者連初立之始年勅祭在六年
而立碑在七年逾年十一月而豫廢矣

禹蹟圖

圖高廣各三尺四寸二分在西安府

禹蹟圖

圖不繪

圖劉豫時刻攷豫以宋紹興元年為金所立則是年當丁巳亦金天會之十五年也每折地方百里所載山川多與古合唐宋以來地圖之存惟此而已攷宋毛晃禹貢指南稱先儒所刻禹蹟圖黑水在雍州西北而西南流至雲南之西南乃有黑水口東南流而入南海中間地里濶遠今此圖黑水與毛說合是為宋以前相傳之舊也唐書稱賈耽繪海內華夷圖廣

三丈縱三丈三尺以寸為百里中國本之禹貢外夷本班固漢書古郡國題以墨今州郡題以朱豈此圖之權輿與圖象之學自古重之山海經前五篇乃伯益經其後十二篇為周秦以來釋圖之言故往往雜以後代郡縣今案其文有云在其東或在其北云捕魚水中云兩手各操一蛇云右手指青邱北之屬皆據形言之耳山海經本有圖故陶潛以之入詩張駿郭璞以之作讚始知班固執文志入之形家有以也不知者乃以為域外之言堪輿之學非聖經矣又史記言蕭何收秦圖書大宛傳言昆侖天子案古圖書

三王世家有御史奏輿地圖漢書言李陵圖所過山川地形元帝示後宮人單于圖明帝賜王景禹貢圖又班固案秦地圖虞喜志林薛瓚注漢書皆案漢輿地圖晉書言裴秀自製禹貢地域圖十八篇李吉甫元和郡縣圖志言起京兆府盡隴右凡四十七鎮每鎮皆圖在篇首今俱不存則此圖之傳良足寶矣地理之學古今互異試條其得失附以鄙証爲讀禹貢者有所採也 又案圖嶠冢山在秦州東南深合自漢以來相傳之說攷水經禹貢山水澤地所在言嶠冢在隴西氏道班固地理志言在隴西西縣漢氏道及西縣治皆在今秦州自魏收地形志以嶠冢山爲在華陽郡嶠冢縣括地志元和郡縣志並承其誤山乃移今之寧羌州矣然唐人猶兩存其說據魏收以駁班固自胡渭禹貢錐指始 又案圖西漢水出秦州南至涪州入江東漢水出興元府東至漢陽入江亦合于班固地理志之說其圖西漢水不通于東漢則不合于古何則余嘗謂禹貢言嶠冢導漾是言水之在今甘肅秦州者也東流爲漢是言水之在今陝西漢中府者也又東爲滄浪之水則言水之在今湖北省者也西漢至寧羌州西北有水通于東漢班固

所云東漢水首受氏道水郭璞爾雅音義謂之潛水
水經注謂之通谷水括地志謂之復水云出利州緜
谷縣龍門山今俗以爲燕子河也其水于圖當自興
元府南承東漢水流至利州北合于西漢而殊未之
及今四川廣元縣是唐宋利州治寧羌州是其東北
境龍門山在州北百五十里卽李吉甫所云利州東
北有龍門山者也樂史又云龍門山下有燕子谷或
水之所以名矣郭璞旣稱舊云卽禹貢沱潛缺之非
也 又案圖黑水是三危之黑水黑水實有二余攷
華陽黑水惟梁州孔安國言東據華山之南西距黑
水張守節史記正義案括地志黑水源出梁州城固
縣西北太山以此釋梁州黑水較長酈道元案諸葛
亮賤稱朝發南鄭暮宿黑水卽此諸家解書以二黑
水爲一非也今水在漢中府城固縣西北五里案圖
漆沮之洛至同州南入于河古說皆入渭是洛自宋
金時改流入河近韓邦靖著朝邑縣志云洛水明成
化改流入河不察甚矣 又案圖無漆沮蓋洛卽漆
沮孔安國書傳水經見史記注晉灼所引今本無之闕駟皆言是也
李季卿三墳記石刻亦云漆沮泛溢馮翊昏墊是唐
人猶存其說矣漢人言漆縣西有漆水入渭在今麟

遊縣合雍入渭者爲詩自土沮漆之漆古但有兩漆
水耳水經注洛水下又有漆水又遁甲開山圖長安
西有漆渠俱非禹貢之漆然自樂史宋敏求以來所
在多漆水矣

關中金
石記

華夷圖

圖高廣各三尺四
寸二分在西安府

華夷圖

圖不
繪

右華夷圖不著刻人名氏題云阜昌七年十月朔岐
學上石蓋劉豫時所刻其年十一月豫爲金人所廢
阜昌之號終于此矣唐貞元中宰相賈耽圖海內華

夷廣三丈從三丈三尺以寸爲百里斯圖蓋仿其製
而方幅縮其什之九京府州軍之名皆用宋制開封
爲東京歸德爲南京大名爲北京惟河南不稱西京
未詳其故也碑云四方蕃夷之地賈魏公圖所載凡
數百國今取其著聞者載之又參考傳記以敘其盛
衰本末至如西有沙海諸國西北有奄蔡北有首利
幹東北有流鬼以其不通名貢而無事于中國故略
而不載此亦見其去取之不苟矣

潛研堂金
石文跋尾

按禹蹟華夷二圖高廣尺寸相同禹蹟圖界方格
每方折地百里列禹貢山川名古今州郡名古今

山水地名阜昌七年四月刻石華夷圖阜昌七年十月刻圖中所載多及宋朝通貢之語有建隆乾德寶元年號其爲宋時所圖固無可疑然其稱契丹云卽今稱大遼國其姓耶律氏似乎作圖猶及遼盛時又渤海夫餘之間有女貞國名女貞一作女真避宋仁宗諱改名女直然在宋則避之遼人尙仍其舊稱以此證之疑是遼人所繪故有大遼字若是宋人則當避貞字若金人則宜加大金之稱說矣然遼以幽州爲南京此圖仍作幽字而宋之四京獨詳其三又似宋人所作甚不能臆定也

劉豫以七年十一月丙午被廢而十月朔尙刻華夷圖者蓋廢豫之舉不過奉詔降封並無干戈擾攘之事僞齊全境恬然安之當刻此圖之時初不料逾月卽亡也兩碑但紀歲月不著所以刻石之故而華夷圖則有岐學上石字殆由學校中得此二圖舊本刻石以示諸生耳餘說已詳關中金石記不複述

金石萃編卷一百五十九終

南詔德化碑
碑前半已剝蝕殆盡石約高一丈三尺一寸廣八尺六寸行數不可考每行約九十字行書在雲南大理府

金石萃編卷一百六十

賜進士出身 誥授光祿大夫刑部右侍郎加七級王昶撰

南詔

南詔德化碑

碑前半已剝蝕殆盡石約高一丈三尺一寸廣八尺六寸行數不可考每行約九十字行書在雲南大理府

清平官鄭回撰

恭聞清濁初分運陰陽而生萬物川嶽既列樹元首而定八方道治則中外寧政乖必風雅變我贊普鍾蒙國大詔性業合道智覩未萌隨世運機觀宜撫衆退不負

德進不慙容者也王姓蒙字閣羅鳳大唐特進雲南王
越國公開府儀同三司之長子也應靈傑秀含章挺生
日角標奇龍文表貴始乎王在儲府道隆三善位卽重
離不讀非聖之書嘗學字人之術撫軍屢聞成績監國
每著家聲唐朝授右領軍衛大將軍兼陽瓜州刺史洎
先詔與御史嚴正誨謀靜邊寇先王統軍打石橋城差
詔與嚴正誨攻石和子父子分師兩殄兇醜加左領軍
衛大將軍無何又與中使王承訓同破劍川忠續載揚
賞延于嗣遷左金吾衛大將軍而官以材遷功由幹立
朝廷照鑒委任兵權尋拜特進都知兵馬大將二河旣
宅五詔已平南國止戈北朝分政而越析詔餘孽干贈
侍鐸稍驅瀘江結彼兇渠擾我邊鄙飛書遣將皆輒拒
違詔弱冠之年已負英斷恨茲殘寇敢逆大隊固請自
征志在掃平梟干贈之頭傾伏藏之穴鐸稍盡獲寶物
竝歸解君父之憂靜邊隅之祲制使奏聞酬上柱國天
寶七載先王卽世皇上念功旌孝悼往撫存遣中使黎
敬義持節冊襲雲南王長男鳳迦異時年十歲以天寶
入朝授鴻臚少卿因冊襲次又加授上卿兼陽瓜州刺
史都知兵馬大將旣御厚眷思竭忠誠子弟朝不絕書
進獻府無餘月將謂君臣一德內外無欺豈期奸佞亂

金石錄卷一百六十一
常撫虐生變初節度章仇兼瓊不量成敗妄奏是非遣
越雋都督竹靈倩置府東巽通路安南賦重役繁政苛
人弊被南寧州都督巽歸王昆州刺史巽日進梨州刺
史巽祺求州巽守懃螺山大鬼主巽彥昌南寧州大鬼
主巽崇道等陷煞竹倩兼破安寧天恩降中使孫希莊
御史韓洽都督李宓等委先詔招討諸巽畏威懷德再
置安寧其李宓忘國家大計躡章仇詭縱務求進官榮
宓阻扇東巽遂激崇道令煞歸王議者紛紜人各有志
王務遏亂萌思紹先績乃命大將軍段忠國等與中使
黎敬義都督李宓又赴安寧再和諸巽而李宓矯僞居
心尙行反間更令崇道謀煞日進東巽諸酋竝皆驚恐
曰歸王崇道叔也日進弟也信彼讒構煞戮至親骨肉
旣自相屠天地之所不祐乃各興師召我同討李宓外
形中正佯假我郡兵內蘊奸欺妄陳我違背賴節度郭
虛己仁鑒方表我無辜李宓尋彼貶流崇道因而亡潰
又越雋都督張虔陀嘗任雲南別駕以其舊識風宜表
奏請爲都督而反誑惑中禁職起亂階吐蕃是漢積讐
遂與陰謀擬共滅我一也誠節王之庶弟以其不忠不
孝貶在長沙而彼奏歸擬令間我二也崇道蔑盟構逆
罪合誅夷而却收錄与宿欲令讐我三也應與我惡者

竝授官榮与我好者咸遭抑屈務在下我四也築城收

質繕甲練兵密欲襲我五也重科白直倍稅軍糧徵求

無度務欲做我六也于時馳表上陳屢申冤枉皇上照

察降中使賈奇俊詳覆屬豎臣無政事以賄成一信虔

陀共掩天聽惡奏我將叛王乃仰天嘆曰嗟我無事上

蒼可鑒九重天子難承咫尺之顏萬里忠臣豈受奸邪

之害卽差軍將楊羅顛等連表控告豈謂天高聽遠蠅

點成瑕雖布腹心不蒙矜察管內酋渠等皆曰主辱臣

死我實當之自可齊心戮力致命全人安得知難不防

坐招傾敗於此差大軍將王毗雙羅時口牟苴等揚兵

送檄問罪府城自秋畢冬故延時序尙佇王命冀雪事

由豈意節度使鮮于仲通已統大軍取南谿路下大將

軍李暉從會同路進安南都督王知進自步頭路入旣

數道合勢不可守株乃宣號令誠師徒四面攻圍三軍

齊奮先靈冥祐神炬助威天人協心軍羣全拔

虔陀飲醜寮庶出走王以爲惡止虔陀罪豈加衆舉城

移置猶爲後圖卽便就安寧再申哀懇城使王克昭執

惑昧權繼違拒請遣大軍將李克鐸等帥師伐之我直

彼曲城破將亡而仲通大軍已至曲靖又差首領楊子

與雲南錄事叅軍姜如之齋狀披雪往因張卿讒構遂

令蕃漢生猜贊普今見觀鬩浪穹或以衆相威或以利
相導儻若蚌鷸交守恐爲漁父所擒伏乞居存見亡在
得思失二城復置幸容自新仲通殊不招承効至江口
我又切陳丹款至于再三仲通拂諫棄親阻兵安忍吐
發唯言屠戮行使皆祇詆呵仍前差將軍王天運帥領
驍雄自點蒼山西欲腹背交襲於是具牲牢設壇禱叩
首流血曰我自古及今爲漢不侵不叛之臣今節度背
好貪功欲致無上無君之討敢昭告於皇天后土史祝
盡詞東北稽首舉國痛切山川黯然而誠感神風雨震
霈遂宣言曰彼若納我猶吾君也今不我納卽吾讐也

斷軍之機疑事之賊乃召卒伍擱然登陴謂左右曰夫
至忠不可以無主至孝不可以無家卽差首領楊利等
於浪穹參吐蕃御史論若贊御史通變察情分師入救
時中丞大軍出陳江口王審孤虛觀向背縱兵親擊大
敗彼師因命長男鳳迦異大軍將段全葛等於丘遷和
拒山後贊軍王天運懸首轅門中丞逃師夜遁軍吏欲
追之詔曰止君子不欲多上人况敢凌天子乎旣而合
謀曰小能勝大禍之胎親仁善鄰國之寶遂遣男鐸傳
舊大酋望趙佗鄧楊傳磨侔及子弟六十人齎重帛珍
寶等物西朝獻凱屬贊普仁明重酬我勲効遂命宰相

倚祥葉樂持金冠錦袍金寶帶金帳狀安扛傘鞍銀獸
及器皿珂貝珠毼衣服馳馬牛縷等賜爲兄弟之國天
寶十一載正月一日於鄧川冊詔爲贊普鍾南國大詔
授長男鳳迦異大瑟瑟告身都知兵馬大將凡在官僚
寵幸咸被山河約誓永固維城改年爲贊普鍾元二年
漢帝又命漢中郡太守司空襲禮內使賈奇俊帥師再
置姚府以將軍賈瓘爲都督僉曰漢不務德而以力爭
若不速除恐爲後患遂差軍將王兵各絕其糧道又差
大軍將洪光乘等神州都知兵馬使論綺里徐同圍府
城信宿未踰破如拉朽賈瓘面縛士卒全驅三年漢又
命前雲南郡都督兼侍御史李宓廣府節度何履光中
使薩道懸遜惣秦隴英豪兼安南子弟頓營隴坪廣布
軍威乃舟楫備修擬水陸俱進遂令軍將王樂寬等潛
軍襲造船之師伏屍遍昆舍之野李宓猶不量力進逼
邈川時神州都知兵馬使論綺里徐來救已至巴躡山
我命大軍將段附克等內外相應競角競衝彼弓不暇
張刃不及發白日晦景紅塵翳天流血成川積屍壅水
三軍潰衄元帥沉江詔曰生雖禍之始死乃怨之終豈
顧前非而忘大禮遂收亡將等屍祭而葬之以存恩舊
五年范陽節度安祿山竊據河洛開元帝出居江劍贊

普差御史贊郎羅于恙結齋勅書曰樹德務滋長去惡
務除本越嶲會同謀多在我圖之此爲美也詔恭承上
命卽遣大軍將洪光乘杜羅盛段附克趙附于望羅遷
王遷羅奉清平官趙佺鄧等統細于藩從昆明路及宰
相倚祥葉樂節度尙檢贊同伐越嶲詔親帥太子潘圍
逼會同越嶲固拒被僂會同請降無害子女玉帛百里
塞途牛羊積儲一月館穀六年漢復置越嶲以楊庭璉
爲都督兼固臺登贊普使來曰漢今更置越嶲作援昆
明若不再除恐成滋蔓旣舉奉明旨乃遣長男鳳迦異
駐軍瀘水權事制宜令大軍將楊傳磨侔欺急歷如數

道齊入越嶲再掃臺登滌除都督見擒兵士盡擄於是
揚兵邛部而漢將大奔迴旆昆明傾城稽顙可謂紹家
繼業世不乏賢昔十萬橫行七擒縱略未足多也爰有
尋傳疇壤沃饒人物殷湊南通渤海西近大秦開闢以
來聲教所不及義皇之後兵甲所不加詔欲革之以衣
冠化之以義禮十一年冬親與寮佐兼總師徒刊木通
道造舟爲梁耀以威武喻以文辭欵降者撫慰安居抵
捍者頸繫盈矜愚解縛擇勝置城裸形不討自來祁
鮮望風而至且安寧雄鎮諸巖要衝山對碧雞波環碣
石鹽池鞅掌利及祥歡城邑綿延勢連戎熨乃置城監

用輯攜離遠近因依閭閻櫛比十二年冬詔候隙省方
觀俗恤隱次昆川審形勢言山河可以作藩屏川陸可

以養人民十四年春命長男鳳迎異於昆川置柘東城

居二詔佐鎮撫於是威懾步頭恩收曲靖頌誥所及翁

然俯從 我王氣受中和德含覆育才出人右辯稱

世雄高視則卓爾萬尋運籌則決勝千里觀釁而動因

利興功事叶神衷有如天啓故能攻城挫敵取勝如神

以危易安轉禍為福紹開祖業宏覃王猷坐南面以稱

孤統東偏而作主然後修文習武官設百司列尊叙卑

位分九等闡三教賓四門陰陽序而日月不愆賞罰明

而奸邪屏跡通三才而制禮用六府以經邦信及豚魚

恩霑草木庀塞流潦高原為稻黍之田疏決陂池下隰

樹園林之業易貧成富徒有之無家饒五畝之桑國貯

九年之廩蕩穢之恩屢沾蠶動珍帛之惠遍及耆年設

險防非憑隘起堅城之固靈津蠲疾重巖湧湯沐之泉

越賤天馬生郊大利流波濯錦西開尋傳祿輟出麗水

之金北接陽山會川收瑟瑟之寶南荒滸湊覆詔願為

外臣東熹悉歸步頭已成內境建都鎮塞銀生于墨紫

之鄉候隙省方駕憩于洞庭之野益由人傑地靈物華

氣秀者也於是犀象珍奇貢獻畢至東西南北煙塵不

飛遐邇無剽掠之虞黔首有鼓擊之泰乃能驤首邛南

平睥海表豈惟我鍾王之自致實賴我聖神天帝

贊普德被無垠威加有截春雲布而萬物普潤霜風下

而四海颯秋故能取亂攻昧定京邑以息民兼侮亡

開漢帝而繼好時清平官段忠國段壽銓等咸曰有國

而致理君主之美也有美而無揚臣子之過也夫德以

立功功以建業業成不紀後嗣何觀可以刊石勒碑志

功頌德用傳不朽俾達將來口成家世漢臣八王稱乎

晉業鍾銘代襲百世定于當朝生遇不天再罹衰敗賴

先君之遺德沐求舊之鴻恩改委清平用兼耳目心懷

吉甫愧無贊於周詩志効奚斯願齊聲於魯頌紀功述

績寔曰鴻徽自願下才敢題風烈其詞曰

降祉自天福流後孕瑞應匪虛正祥必信聖

主分憂遐夷聲振襲久傳封受符兼印兼瓊

秉節貪榮構亂開路安南政殘東熹竹倩見

屠官師潰散賴我先王懷柔伏叛祚不乏賢

先庸是繼郡守詭隨貶身遐裔禍連虔陀

亂深豎髮殃咎匪他途豕自殪仲通制節不

詢長久徵兵海隅頓營江口矢心不納白刃

相守謀用不臧逃師夜走漢不務德而以力

爭興師命將 置府層城 三軍往討 一舉而平

面縛羣吏 馳獻天庭 李宓總戎 猶尋覆轍

水戰陸攻 援孤糧絕 勢屈謀窮 軍殘身滅 祭

而葬之 情由故設 贊普仁明 審知機變 漢德

方衰 邊城絕援 揮我兵戎 攻彼郡縣 越嶲有

征 會同無戰 雄雄嫡嗣 高名英烈 惟孝惟忠

乃明 乃哲 性惟溫良 才稱人傑 邛瀘一掃

軍郡雙滅 觀兵尋傳 舉國來賓 巡幸東慕 懷

德歸仁 碧海效祉 金穴薦環 人無常主 惟賢

是親 土字克開 煙塵載寢 穀擊犁坑 幅熙羣

品 出入連城 光揚衣錦 業留萬代之基 倉貯

九年之廩 明明贊普 揚于之光 赫赫我王 實

賴之 昌 化及有土 業著無疆 河帶山礪 地久

天長 辯稱世雄 才出人 右 信及豚魚 潤深瓊

玖 德以建功 是謂不朽 石以刊銘 口口可久

二 其十

碑陰

四十一行俱書官名下 半剝蝕字數無考正書

上 帶段忠國 清平宮大軍將大金告身賞錦袍金

帶口口口 下上 關關 口虫皮衣楊傍佺 清平官小頗弥

告身賞錦袍金帶下上 頗弥告身賞二色綾袍金帶

守口 清平官大金告下上 李口口 大軍

將開南城大軍將下上 口大大垂皮衣趙眉丘 大

軍將士曹長大頗弥口口賞紫袍金下上 口衣楊細口

大軍將賞二色綾袍金帶王琮羅鐸 大軍下

上口袍金帶兼大夫垂皮衣張驃口于 大軍將前

戶曹長拓東口下上賞二色綾下上綾袍金帶王波鐸

大軍將前法曹長大頗弥告身賞二色綾袍金帶

楊下上口軍將小金告身賞二色綾袍金帶楊羅望

大軍將小金告身賞錦袍金帶下上 大軍將賞二色

綾袍金帶尹瑳遷 大軍將小金告身賞紫袍金帶

楊龙棟下上身賞二色綾袍金帶尹附酋 大軍將

賞紫袍金帶趙口口口 大軍將兵曹下紫袍金帶

趙逸羅口下上色綾袍金帶兼大大垂皮衣孟綽望

軍將士曹長小銀告身賞紫袍金帶楊鄧佺下法

曹長小頗弥告身賞口口綾袍下上 大軍將小銀告身

賞二色綾袍金帶楊各酋 大軍將賞二色綾袍金

帶趙龙細利 客曹口口口弥告身賞二口綾袍下

上賞二色綾袍金帶口口羅疋 大軍將兵曹長小

頗弥告身賞紫袍金帶段君利 大軍將 小

銀告身賞下上大軍將小銀告身賞二色綾袍金帶尹

口口大軍將小銅下綾袍金帶周下上賞三色

綾袍金帶唐酋口大軍將賞紫袍金帶喻酋口

大軍將賞下上倉曹長小銀告身賞二色綾袍金帶

兼大大重皮衣口盛顛大軍將賞紫袍金帶下上

口定大惣管小銀告身賞二色綾袍金帶兼大重

皮衣口口口口軍將口法曹下上綾袍金帶洪羅

棟大惣管小銅告身賞二色綾袍金帶口

軍將兼下上色綾袍金帶段旋忙湊軍將戶

曹長小銅告身賞紫袍金帶口口口堅大惣管下

上忙湊軍將羣牧大使小銀告身賞紫袍金帶楊

瑳白奇都口口兼知表誥小銀告身下上和

惣管兼押衙小鋤石告身賞二色綾袍金帶石覆苴

大軍將小銀告身口口口口段口口邏下上帶李

奴鄧客曹長賞紫袍金帶王大軍將

小頗弥告身賞口口口帶口諾地下上弥告身賞紫袍

金帶阿忍大軍將小頗弥口口口紫下上大軍將

賞二色綾袍金帶黑觜口口大軍將賞紫袍金帶

下上口口編賞紫袍金帶口白伽軍將口

瑜石告身賞紫下上軍將賞紫袍金帶兼大重皮衣劉

望□□ 軍將賞□袍金帶下上 軍將前兵曹□官小

銅告身賞紫袍金帶杜顛伽下上 趙充□□ 軍將

兵曹副小銀告身賞紫袍金帶下上 盛 軍將士曹

副賞紫袍金帶楊鄧四羅 □□□□□袍金帶□□

□□下上 軍將大鍤石告身賞紫袍金帶段下上 伽瑳

軍將賞紫袍金帶楊澥□□下上 軍將僂人佐揚

羅歛 軍將□紫下上 紫袍金帶尹求寬下上 將賞

紫袍金帶張趙邏 軍將賞紫袍金帶下上 軍將賞

紫袍金帶□□利 軍將□紫袍金帶下上 斂 詔

親大軍將大金告身賞二色綾袍金帶李外成苴下上

軍將兼白崖城大軍將大金告身賞二色綾袍金帶李

下上 詔親大軍將小銀告身賞二色綾袍金帶李些豐

下上 澥 詔親大軍將賞二色綾袍金帶放苴 詔

親下上 金告身賞錦袍金帶獨磨下

按此碑文約三千八百字存者約八百字蓋泐其

三千字矣今取雲南通志所載文補其泐字注於

旁乃可讀也碑稱王姓蒙字閣羅鳳大唐特進雲

南王越國公開府儀同三司之長子也唐朝授右

領軍衛大將軍兼陽瓜州刺史累拜特進都知兵

馬大將加上柱國天寶七載先王卽世上遣使持

節冊襲雲南王長男鳳迦異入朝授陽瓜州刺史
都知兵馬大將初節度章仇兼瓊奏遣越雋都督
竹靈倩李宓等委先詔招討諸爨王乃命大軍將
與李宓和諸爨而李宓行反間東爨諸酋乃各與
師召我同討李宓妄陳我違背又越雋都督張虔
陀誑惑中禁職起亂階于時馳表上陳屢申冤枉
皇上一信虔陀奏我將叛王乃連表控告天高聽
遠不蒙矜察節度使鮮于仲通等統大軍至曲靖
又齎狀披雪仲通殊不招承仍自點蒼山西欲腹
背交襲於是昭告皇天后土縱兵親擊大敗彼師

遂遣男鐸傳及子弟六十人西朝獻凱贊普賜爲
兄弟之國天寶十一載正月一日冊詔爲贊普鍾
南國大詔授長男鳳迦異都知兵馬大將改年爲
贊普鍾元二年十四年春命長男鳳迦異於昆川
置柘東城居二詔佐鎮撫時清平官段忠國段尋
銓等刊石勒碑志功頌德云云以唐書南蠻列傳
攷之南詔或曰鶴拓曰龍尾曰苴咩曰陽劍本哀
牢夷後烏蠻別種也夷語王爲詔其先渠帥有六
自號六詔曰蒙儁詔越析詔浪穹詔遼啖詔施浪
詔蒙舍詔蒙舍詔在諸部南故稱南詔居永昌姚

州之閒鐵橋之南東距爨東南屬交趾西摩伽陀
西北與吐蕃接南女王西南驃北抵益州東北際
黔巫王都羊苴咩城別都曰善闡府王蒙氏父子
以名相屬自舍龙以來有譜次可考舍龙生獨邏
亦曰細奴邏高宗時遣使者入朝賜錦袍細奴邏
生邏盛炎邏盛炎生炎閣武后時盛炎身入朝妻
方娠生盛邏皮喜曰我又育子雖死唐地足矣炎
閣立死開元時弟盛邏皮立皮邏閣授特進封臺
登郡王炎閣未有子時以閣羅鳳爲嗣及生子還
其宗而名承閣遂不改開元末皮邏閣逐河蠻取

大和城又襲大釐城守之因城龍口夷語山坡陀
爲和故謂大和以處閣羅鳳天子詔賜皮邏閣名
歸義當是時五詔徵歸義獨彊乃厚以利啖劍南
節度使王昱求合六詔爲一制可歸義已并羣蠻
遂破吐蕃寢驕大入朝天子亦爲加禮又以破泐
蠻功馳遣中人冊爲雲南王于是徙治大和城天
寶初遣閣羅鳳子鳳迦異入宿衛拜鴻臚卿七載
歸義死閣羅鳳立襲王以其子鳳迦異爲陽瓜州
刺史初安寧城有五鹽井人得煮鬻自給元宗詔
特進何履光以兵定南詔境取安寧城及井復立

金石錄卷一百一十一
馬援銅柱乃還鮮于仲通領劔南節度使卞忿少
方略故事南詔嘗與妻子謁都督過雲南太守張
虔陀私之多所求丐閻羅鳳不應虔陀數詬斬之
陰表其罪由是忿怨反發兵攻虔陀殺之取姚州
及小夷州凡三十二年仲通自將出戎巂州分
二道進次曲州靖州閻羅鳳遣使者謝罪願還所
虜得自新且城姚州如不聽則歸命吐蕃恐雲南
非大唐有仲通怒囚使者進薄白崖城閻羅鳳遂
北臣吐蕃吐蕃以爲弟夷謂弟鍾故稱贊普鍾給
金印號東帝揭碑國門明不得已而叛嘗曰我上

世世奉中國累封賞後嗣容歸之若唐使者至可

指碑澡祓吾罪也

按字書無祓字疑祓字之譌

史文與碑詳畧

不同攷雲南通志古蹟載閻羅鳳刻二碑一曰南
詔碑在城西南注云天寶間閻羅鳳歸吐蕃揭碑
國門明不得已而叛西瀘令鄭回撰文今無可考
一曰蒙國大詔碑卽德化碑也是南詔羣臣頌德
之碑注云在城北鄭回撰文杜光庭書今剝落殆
盡云云是南詔有二碑皆鄭回撰文其刻石國門
之碑朱子綱目系其事於天寶十一載此碑則在
大歷元年兩碑之立相距十五年而前碑已亡則

金石錄卷一百一十一
此碑雖剝落亦可貴矣碑陰上下皆闕中所存者
若姓名及告身袍帶之類皆無可攷其官名有清
平官大軍將兵曹士曹法曹倉曹戶曹客曹並有
長有副又有大惣管羣牧大使唐酋口喻酋口等
名色唐書南詔傳云官曰坦綽曰布燮曰久贊謂
之清平官所以決國事輕重猶唐宰相也曰酋望
曰正酋望曰員外酋望曰大軍將曰員外猶試官
也幕爽主兵琮爽主戶籍慈爽主禮罰爽主刑勸
爽主官人厥爽主工館萬爽主財用引爽主客禾
爽主商賈皆清平官酋望大軍將兼之然碑中所
載諸曹長副及總管羣牧之官則史所不載雲南
通志雜紀卷載南詔官職王左右有羽儀長八人
清平見王不得佩劍惟羽儀長佩之爲親信有六
曹長曹長有功補大軍將大軍將十二與清平官
等列自曹長以降繫金佉苴尚絳紫有功加錦又
有功加金波羅卽虎皮也此所載較史爲詳可與
碑陰參攷然史有云西人不蠶剖波羅樹實狀如
絮紐縷而編之則波羅是樹名非虎皮也

崇聖寺鐘欵

欵作上下兩層每層各界六區皆像上層區高二尺
五寸餘廣二尺二寸餘下層區高一尺三寸餘廣一

金石錄卷一百一十四
大理府崇聖寺

金剛波羅蜜

智寶波羅蜜

大輪波羅蜜

妙法波羅蜜

殊業波羅蜜

口響波羅蜜

增長天王

大梵天王

廣目天王

多聞天王

天主帝釋

持國天王

維建極十二年歲次辛卯三月丁未朔廿四日庚午

建鑄

以上下層

銅鐘高丈餘在大理府崇聖寺前樓鑄作兩層上層

鑄金剛智寶大輪妙法殊業梵似作響波羅蜜下層

鑄增長大梵廣目多聞天主帝釋持國各天王像末

鑄建極十二年建蓋南詔世隆年號在唐武宗懿宗

僖宗時也

杜鈞跋

按崇聖寺在大理府城西北蓮花峯下雲南通志稱寺有觀音像高二丈四尺唐蒙氏時董善明鑄又稱唐天寶間崇聖寺僧募造大士像未就夜驟雨旦起視之溝澮皆流銅屑卽用鼓鑄立像高二十四尺如吳道子所畫細腰跣足像成白光彌覆三日夜云云而不及鑄鐘之事此鐘但詳年月亦不言鑄者何人鐘爲建極十二年鑄建極者乃南詔世隆年號世隆唐書南蠻傳作酋龍傳云閣羅鳳子鳳迦異鳳迦異子異牟尋請歸天子爲唐藩輔德宗嘉之冊爲南詔王元和三年異牟尋死子

尋閻勸立明年死子勸龍晟立長慶三年死弟豐祐立宣宗崩時豐祐亦死坦綽酋龍立遂僭稱皇帝建元建極自號大禮國懿宗以其名近元宗嫌諱絕朝貢史文如此按唐元宗諱隆基惟南詔名酋龍是以云名近嫌諱如果名世隆則直犯元宗正諱不得謂之嫌諱然據馮甦滇攷實是世隆滇攷云大中十三年八月宣宗崩命內臣告哀世隆初立卽凶狠悖慢謂我國亦有喪朝廷不弔問詔書亦賜先王于是以草具進使者而遣還又南詔向係父子以名相屬獨豐祐之子世隆名不相承

新安倪蛻撰滇雲歷年傳云蛻按豐祐或云勸利
晟之弟或云勸利晟之子諸葛元聲滇史稱豐祐
慕中國始不連父名但南詔野史云名晟豐祐當
是勸利晟之子而又曰石刻爲勸豐祐則又承舜
樂勸而爲勸利晟之弟矣且以後世隆之子隆舜
隆舜之子舜化依舊父子相承則不連父名者僅
世隆一代耳滇史未確也至唐書斥世隆爲酋龍
以其觸犯僭悖而削辱之非果名酋龍也昶按此
語亦未確南詔官名有酋望龍爲鱗蟲之長酋龍
二字並非削辱之稱當由朝廷避諱改稱酋龍而

史沿其舊文耳建極十二年在唐爲懿宗咸通十
二年跋者杜鈞江西新建人官大理府太和縣令

崇聖寺中塔題字

石二各高四尺六寸廣一尺六寸五分每石各四字正書在雲南太和縣

法界靈通 明真乘塔

右八字作兩行書在崇聖寺前三塔中最高一塔第
一層重簷蔽之故完好無剝蝕痕中間一碑磨平無
一字蓋南詔時立不知何代剗去也杜鈞識

按雲南通志崇聖寺有三塔其一高十餘丈十六
級其二差小各鑄金爲頂頂有金鵬世傳龍性敬

金石錄卷二百一十一
大理
塔而畏鵬大理舊爲龍澤故以此鎮之此所題字
二行在三塔中最高一塔卽十六級之第一級

石城碑

石刻高四尺四寸廣二尺六寸五分作上下兩截書
上十一行行十三字左行下八行皆人名行書在南
寧縣

明政三年歲次辛未宣諭踴奉承 睿旨統率戎行

委服肯 恩撫安邊塞是以剪除逆衆鎮長奇宗求州

首領代連弄兔覆磨乃等三邑口置逆衆鎮以二月八

日迴軍至三月七日到省城更討打賊郎羽考阿房田

洞合集卅七部姆伽諾十二將弄略等於四月九日研

羅沙一遍兼頒賜職賞故迺其約盟誓務存人長上對

衆 聖之鑒知下揆一德而跼血

三軍都統 皇井布燮段子玩

都監三軍禮樂夾長附馬布燮段彦貞彦賣 宇覽

揚連永揚永彥

侍內官久贊段子惠李善

啓爽王清志

貼侍內官贊衛揚定存

摸陀道揚定福

陔雅袁永智蘓晟興

按雲南通志石城廢縣在曲靖府城北二十餘里

唐貞觀四年置莊州領縣七石城其一也石城碑

在城北二里許昔段氏破楊于貞與三十七部落

會盟立東方黑爨松爨共有三十七部其名曰陽

城堡部休臘部嚼峨部強現三部王弄部

舊處甸部伴溪落恐部鐵客甸部官桂思陀部屈

中部師宗部落蒙部彌沙部邑車部維摩部彌勒

部彌彌部羅雄部納垢部夜苴部落温部吉輪部

褒惡部羅部仁地部白鹿部掌鳩部法塊部謀統

部于矢部羅維部洪農祿勤部華竹部強中部休

制部步雄部羅伽部其會盟之所在曲靖北十五

里康熙十八年營兵於土中掘出碑字猶存文云

明政三年歲次辛未明政一作明正辛未為宋太

祖開寶四年滇史載開寶二年段素順立改元明

正在位十七年卒私謚應道皇帝南詔之事唐書

所載自昭宗以後中國亂不復通史無可攷宋史

載大理國傳始於熙寧九年以前亦無可攷故自

唐末迄宋初僅見滇考及南詔野史二書稱唐宣

宗大中十三年豐祐死子世隆立改元建極號大

理國僖宗乾符四年世隆死子隆舜立改號大封

民國建元貞明昭宗乾寧四年隆舜為楊登所弑

子舜化真嗣天復二年清平官鄭買嗣弑舜化真

自立為帝僭號大長和國改元安國蒙氏遂絕梁

太祖開平三年鄭買嗣死子旻立唐莊宗同光四年鄭旻死子隆亶立改元天應明宗天成元年南詔東川節度使楊干貞弒鄭隆亶而立侍中趙善政改元尊聖次年改天應四年楊干貞自立改國號曰大義寧改元光聖又改興聖長興元年又改大明晉高祖天福元年通海節度使段思平討楊干貞干貞自縊死二年段思平自立號大理國改元文德晉齊王開運二年段思平死子思英立改元文經三年羣臣廢思英而立其叔思良改元至治周太祖廣順元年段思良死子思聰立改元明

德居位十七年改元順德是年死傳子素順宋太祖開寶二年段素順立改元明正卽此碑所稱之明政也雲南當宋初爲太祖所棄史稱乾德三年正月王全斌平蜀欲以兵威取滇進滇地圖帝鑒唐之禍以玉斧畫大渡河唐書作大度河曰此外非吾有也由是滇南與中國不通大渡河在建昌城北源出吐蕃合金沙入大江趨東海其所經繞在嵩昆明之間素順之立史既不載而此碑所載明政三年集三十七部討賊約盟之事卽滇考野史亦不詳此碑出土逾百二十餘年文僅泐一字餘完好可貴也

地藏寺梵字塔幢

幢八面二面橫廣二尺三寸二面二尺二寸餘各一尺一寸五分高九寸三分一面二十行二面十九行一面二十四行二面二十七行一面二十一行一面二十二行字數八字或十字十一字不等正書在雲

南府

佛說般若波羅蜜多心經

文不錄

大日尊發願

文不錄

發四宏誓願

文不錄

大理國佛第子口事布燮

敬造佛頂尊勝珎幢

記

皇都大佛頂寺都知天下四部衆洞明儒釋慈口大

師段進全述

原夫一氣始弁二儀初分三光麗於穹隆五岳鎮於磅礴爰有捭秀愚智辨立君臣掩頓於八區宰籠於四海隨拟而設理運口而舂風常讀八索之書非學六邪之典淨邊邊綬定遠郊姦東海浪澄於驚波楚天霄淨於讒霧君臣一德州罔一心只智喆才能乃神謀駉運者則袁氏祖列之義也由乃尊卑相承上下相繼協和四海媿同親而相知道握九州訝連枝而得意承斯鋒銳不起飢荒無名鍾鼓義而明明玉帛理而穆穆可謂求人而得人亦袁氏之德也至口救高明生則大將軍高

金石錄卷一百一十一
三十四
觀音明之中子也其高明生者文列武列萬國口實而
宣威神氣神風于將口摧而留世悲夫四大元無主六
蘊空去來天地橫口不慈大運口將不意口哉雲郁郁
兮窮天口雨霏霏兮盡山悲楚方罷喧口京口昭本州
爲兄弟之士將相口上下之權子小紹遲系口亞脫其
布變口口者至忠不可以無主至孝不可以無親求殺
術於宋王口玉果成功於務本得本將乃後嗣踵口化
及口口霜風口而一海颶秋春雲布而万物普潤懷其
義者日用不知挹其源者游泳莫測此袁口口口口口
口也聖人約法君子用口口德而不可不傳以傳而備

遠有義而不可不記以記而口常口夕哀哀終朝威威
尋思大義孔聖宣於追遠慎終敬月元文釋尊勸於酬
恩拜德妙中得妙靈理知靈善住復七返輪迴如來說
一部勝教曰加來智印口尊勝瑤幢託其填際而建之
鐵團口成極樂臨其寒林而起矣地獄變爲蓮花卽到
於菩提道場速會於常寂光土次祝非口口於生我育
我而先口於恩余建余復利於重義輕生盡口於亡身
報主大義事事以懷此敬節日日以惟新建梵幢而圓
功勒斯銘而標記


護法明公德運碑贊

碑高八尺八寸廣六尺五寸二十五行
行四十六字左行行書在雲南楚雄府

□□護法明公德運碑黃

大理閣高相國公仲子之孫諱日量成自幼有大器及
長思欲立大功定寰宇而道未合俄然四夷八蠻叛逆
中國途路如蝟毛百姓離散天不早命公斯民墜矣公
於時領義兵□鄉勇掃除烽燧開拓輿坤安州府於亂
離之後收遺民於虎口之殘四海清肅路不拾遺帝勅
号曰□□□□□□周道不行商道商以誓為實
周以會為實公累与諸蠻會而不曾誓故行周道非獨
行周道代亦周代□□□□□□放□□□□□關門不閉

傳曰進賢受上賞蔽賢受誅戮齊有仲父鄭有子產竹
帛稱之為民之父母孔子□誠之為□進賢也□□賢
□□有德□□八紘宗族同一心四海為一家詩曰濟
濟有衆此之謂也語云生而知之者上也公自幼孤久
失進訓不喜盤遊弱冠歲餘天地合德日月同明温良
五備□六藝三□隨而有之所謂生而知之者上也公
不閑書史而所為動作皆合書史公以禮義為衣服以
忠信為甲冑以智勇為心肝□之來者割地而封之不
歸化者與兵而討之自是天下大化公明□□地了了
性源興修白□喜建伽藍衆山蘭若無不周備所謂漑



其根而口其實種其福而積其基帝憫其精勤有道爲
口濟民皆在斯焉再勅号曰護法公公在位几年乃讓
位与其姪中園公中園公心腹股肱瓜牙皆公之爲也
公爵地威楚府牟州石乘弄口處威楚府西隅去府五
十里地名口溪山林茂盛是賊巢穴採樵刈草皆爲賊
所口公口口勅居處建宮室賊散去不知其幾千里也
泉甘而山茂公之口處仲尼有云仁智者也四夷八蠻
累會於此八方羣牧口口於此雖夷狄之深仇部曲之
怨恨到此善歸方寸惡竟冰釋抽刃懷刀一時捐弃甘
辭艷語以發喜戲古人有云人傑地靈也八紘四海聞

命於此可謂大矣樹異山靈口口口松杉口口口
口口口白雲口口連前栖一口兩口瑞口明月侍座清
風掃門喜聽法鼓明心不聞塵囂聒耳真口口口
口口口口口口口口口口口口口口口口口口口口
蓋天地道德高古人尙和光同塵而不負自高自大之
意口口口口口口口口口口口口口口皆以身爲天下安
危詩不云乎愷悌君子民之父母伍員者古之智勇忠
孝之士也口口口口口口口口口口口口口口尙不能忍將口
軍而代楚破塚鞭骨而冤未消口如公雖口深仇大讐
冒襟坦然口口不口此皆能仁之行口口口口口口口

宋國建武軍進士兩戰場屋畫虎无成□□南國十有
六年蒙公清照如□□人口命□□□□□□□□□□
□□□□□□□□史記修春秋褒貶合宜爲万世之信書
而發微言曰知我者其惟春秋乎罪我者其惟春秋乎
□□□□□□□□□□□□□□公者百之一二□
尙未盡善也□之高氏如有聰明俊□克己復禮能□
□□□□□□□□公□□□□□□□□□□□□□□□
□□亦高□世世之□也與叙之不足乃作銘曰
□出社□□□位克己□□君奇□□□□□□□□
星其北□是水潮東□道毋古今□公比周公□外掌

部域 內滬真流 □□□□ □□□□ 樂山樂

水 仁哉智哉 紫雲□□ □□□□ 手拓山河

化洽乾坤 □□□□ 公名常存

時□□□□□□□□□□ □□□□武軍進士□

□□□□士 奉命記 □先生□孫□□□謹書

按載記段正淳立於宋哲宗紹聖三年號後理國高
泰明相之稱爲高國主此碑年代剝落篇首稱高量
成爲相國仲子之孫則當在南宋之中葉繫國仍以
大理則改號之說恐無据又通志古蹟云高量成碑
在楚雄城西四十里紫溪山猢猻箐此碑當是也

江右

李榮
陞識

按碑在楚雄城西四十里紫溪山獼猴箐雲南通志山川卷不載獼猴箐而紫溪山則云在楚雄府城西三十里薇溪山之右松竹陰森峯巒秀麗梵宇琳宮踞一郡山水之勝又古蹟卷載德江城在府城西北二里宋段氏時高昇泰執國柄封其兒子明亮於此因築此城又名德江村昔高量成避位居此一村化其德是卽碑所云威楚府西隅去府五十里地名紫溪公勗居處建宮室也今之大理府在宋時大理段氏以其地屬姚州名當節驗

後改威楚郡碑故謂之威楚府也高相國之始由于段氏以南詔野史滇攷滇史滇記叅攷之段氏之先爲武威郡人自段儉魏從鳳伽異敗鮮于仲通于西洱河蒙氏擢爲清平官易名忠國六傳而至思平爲通海節度使楊干貞忌之晉高祖天福元年討平楊干貞二年自立號大理國開運二年思平死子思英立三年羣臣廢思英而立其叔思良周太祖廣順元年思良死子思聰立宋太祖開寶二年思聰死子素順立太宗雍熙三年素順死子素英立真宗大中祥符三年素英死子素廉立

仁宗乾興元年素廉死姪素隆嗣天聖四年素隆
避位爲僧禪于素真康定元年素真死孫素興立
慶歷三年國人廢素興而立思平曾孫智恩之子
思廉神宗熙寧六年思廉避位爲僧子廉義嗣元
豐三年廉義爲其臣楊義貞所弑義貞自立篡位
四月岳侯高智昇命子昇泰起東方兵誅之而立
廉義之姪壽輝以靖難功加高智昇太保封德侯
此高氏之始子昇泰封鄯闡侯代智昇爲相于楚雄築
外城號德江城以封其姪子量成此高量成之始四年壽
輝避位爲僧立思廉孫正明哲宗紹聖元年正明

避位爲僧國人奉高昇泰立之號大中國二年昇
泰有疾遺命還國段氏而卒四年昇泰子泰明遵
遺命立段氏正明之弟正淳改稱後理國以高泰
明爲相徽宗大觀二年正淳避位爲僧子正嚴嗣
政和七年徽宗詔使勅封正嚴爲大理國王是年
高泰明卒追封國師以其弟高泰運爲相國高宗
紹興十七年正嚴避位爲僧子正興嗣十八年六
月高量成討三十七部叛夷平之以姪壽貞爲中
國布燮自號中國公退居楚雄卽此碑所載之事
也据此碑則中國公乃其姪壽貞之號非量成自

金石錄卷一百一十
號量成固勅號曰護法公也高國主之稱始于高
泰明而連及于高量成滇記載政和三年高正嚴
向慕中國與國主高量成謀入貢從廣南東道請
之倪蛻撰滇雲歷年傳疑之曰此時高泰明爲相
何以又有國主高量成國主非官名恐是柵主之
譌高泰運曾爲柵主或量成繼之耳此蓋倪氏未
及詳玩此碑所謂國主者卽中國公之稱非謂大
理國之主也碑無歲月以量成退居楚雄考之于
時爲段正興永貞元年在宋爲紹興十八年

嵇肅靈峯明帝記

石刻高五尺二寸廣一尺八行行
五十字左行正書在姚州興寶寺

褒州陽派縣嵇肅靈峯明帝記

夫自人而粹者天之道也自天而純者神之道焉運乾
坤而變化何窮妙萬物而陰陽不測至哉自天地凡岳
得其道者無不以清以寧以淵以靈故流爲沚河結爲
山嶽者艮之象也易曰終萬物始萬物者莫盛乎艮言
其止而不動也噫含澤布氣以調五神積高厚下而安
四極山岳之理可得而言歟有褒州陽派縣嵇肅靈峯
明帝者德標鎮地高極配天秀出太虛之中結成元氣
之始育靈孕聖懷寶含章誰足生甫之神獨稱應昂之

金石錄卷一百一十一
三十一
傑千年卓立驚神口之千宵万仞削成口青蓮之出海
霏霏膏澤豈道徐州之車靄靄丹霞似擁芒碭之益風
泉相渙杏竹共清靈變无端雲雷未測葢天府之巨鎮
此方之靈祐也 公奉命登庸政成清謐雅頌一變山
川再榮顧此靈峯鬱爲保障乃修柴望之理備方伯之
儀口口無窮永申如礪之約令聞不已豈無勒石之功
余志望郭生愧述崑峯之贊才非謝子敢題盧嶽之文
畧敘風口以旌盛烈

時元亨二年敦牂歲徂暑月哉生明 口口楊才照
奉命記

按此碑在姚州興寶寺右側題稱褒州陽派縣嵇
肅靈峯明帝記唐書地理志諸蠻州有哀州武德
七年置本弄棟地南接姚州縣二楊彼樂彊据方
輿紀要姚州有揚波廢縣在大姚縣東武德四年
置褒州領揚波强樂二縣後廢二書所載州縣名
互異不能定其孰是然以此碑證之題曰褒州與
紀要合則唐書作哀者疑譌縣名陽派則唐書紀
要二書之作楊彼揚波似皆以形似而訛雲南通
志稽肅山在姚州城西七十里山有泉入陽派河
據此則縣以河得名似陽派爲有據也惟碑稱明

金石錄卷一百六十一
帝無攷文云天府之巨鎮此方之靈祐似明帝謂
稽肅山神下文又云公奉命登庸政成清謚修柴
望之理與禮通用備方伯之儀似係守此土者奉祀稽
肅山神而立此碑但未詳所謂公者何人碑無姓
名可攷碑立于元亨二年敦牂歲徂暑月哉生明
段氏自宋孝宗乾道八年正興避位子智興嗣改
元利貞又改盛德嘉會元亨安定滇雲歷年傳不
詳元亨之號建于何年碑但稱敦牂歲是午年而
不署何干据下碑二年丙午則元亨建于乙巳碑
立于丙午歲六月三日也雲南通志古蹟卷載姚

州有稽肅碑在城西十七里上有天福二字今此
碑未見有此二字是所搨未全也

興寶寺德化銘

碑高五尺二寸廣三尺二寸二十七行行五十字尾
六行刻於右側側寬六寸五分左行正書在姚州興
寶寺

大理因上功高踰城光再建弄棟華府陽派郡興寶寺
德化銘并序

皇都崇聖寺粉團侍郎賞米黃繡手披釋儒才照僧
錄闍梨楊才照奉命撰

蓋聞率性之謂道妙物之謂神混成天地之先獨化陶

均之上體至虛之宅无毒无門運不隅之方何固何執
未嘗不出入五物誰惻至變之端周流六虛旁行大衍
之數知大始者由之揆務作成物者宗之致能行象分
而變化斯奇動靜常而剴柔乃斷元凝易簡之理昭升
久大之功引而申之觸類而長之天下之能事畢矣異
哉仰觀俯察弗昧幽明之宗原始反終遂知生死之說
由有口有難保口於幻夢之常從迷積迷几窮况於風
浪之起至寂豈虛靈覽大覺忽目隨眠弗諼四誓之言
永矢大千之化觀淨姓於日種孰類鄒人驗白身於賜
生豈足虹渚昭四門之遠誠忻馱馳而交懷甘六歲之
幽求苦樂審其非道術求舊於往證之口濟惟新於所
化之生發神足於道場吉祥暫鋪草座入慈定於樹下
波旬立慟輿尸光縱鹿園五老頓忘於本制德勝火室
三愚遂服於仁風示化橋而摧我人指恒河以明生滅
大教旁收於五性不化而自行法輪妙衍於三時不言
而自治旭亡照之極耀幽葩圓鑿動希聲之大音盲瞶
俱坼遂使九十六種貫魚而聽命辛品拔茹以成羣門
微塵而開大經傾寶口而賑諸有莫不十度成叙六趣
捐關束名實者息肩於囂圍尙清淨者同味於大道時
來舍衛鶩子奉命於祇園暫上天宮優王遂與於僧像

卽穢土以闢淨刹寄有相以述真常欲使往三界之歸
依爲像法之洲渚妙哉恍惚无得而稱焉盖此寺者大
蒙知軍事布燮楊禎之所勅也年鐘建極口佐兵口口
蜀衡蕃惟公是倚外則弼諧帝道事竭於君內則翼扇
真風心亡於法卜茲勝地勅此精藍歲月已淹痛哉圯
毀有公子高踰城光者曾祖相罔明公高泰明祖定遠
將軍高明清已備罔史考口公高踰城生者定遠將軍
之長子也口剛柔之粹德鍾岳瀆之休靈清明在躬鑑
澄波之千頃風神絕倍擬巨岳之万尋寧匡授於明朝
善弥縫於霸業降德惟忻口種口恩未憚及人戰則如
神鄙圯橋之取履政則凝化踵合浦之還珠口口四豪
功高五伯懿哉寔口期之明哲也公高踰城光者數當
再索慶襲餘芬天質白朱龍章持異夙蘊風雲之氣早
實仁義之懷和口內凝英華外發器葆識口之歲蘭桂
有芬志高还洛之年清暉自遠敬義无失忠節更堅龍
行而異虺吞聲鸚口而群翔殺口噫未及進訓傷素冠
之兢兢口口天倫慕花萼之鞞鞞恭盡秋霜之戒友垂
冬日之暄肅肅焉穆穆焉輸至誠於君兄循肌膚於伯
父嗟乎義以道合事由口口不意蠅玷成瑕南箕自遠
及與口口公及先君諸舊臣等議曰大義不可無方至

不可无主惟其平罔大宰之遠將軍君臣之義取高
叔姪之分尤不異霍光輔漢姬旦匡周盛衰惟終安
危同力在我子孫後嗣弃茲歷世垂休孤立一隅介于
大罔其不謂事之末乎然狐首豈葵能衛足不忘本
也姑可忽諸乃與中罔行成獨興廟計自此散從釋衛
縮甲抑戰公兄弟之力也至哉難不讓於歷試位則退
以居謙鬱其千里之才擢以百成之命奉旨則仁聲已
洽下車則清風載輿簞食壺漿歌來甦而滿路逸民傲
吏輟考盤以登朝乃煦以秋陽威以夏日坐甘棠而聽
訟設蓮燎以思賢振口惠而字小人宏義讓以勗君子
民識廉耻咸習管子之風家足農桑旁口孟軻之制緝
理之暇澡德霽源恨不手布黃金幸齊肩於善施日用
畱心白馬庶接武於漢明傷德本之未滋痛斯藍之煽
燬遂乃役子來之衆鳩心竟之工妙啓新模式仍舊貫
喜得上棟下宇盡合大壯之宜矢棘翬飛屈起斯干之
勢窮山水之幽致溢煙霞之口趣西則松風發口驚口
苦空之音南則江月殘朝忽認靈臺之鏡東臨霧闕近
接應供之賢北枕平坡遠嫌釣鼈之客一一美麗事事
新奇盛矣哉信華州之嘉境也夫作而不紀非盛德焉
乃揖儒流粗陳風烈其辭曰

率性曰道 妙物稱神 混成天地 獨化陶均 其一

形象乃分 剴柔斯判 幽明迭興 生死相援 其二

幻夢勿固 風浪非常 至寂豈默 一覽獨彰 其三

四口弗諉 八相斯假 瑞景固天 徵鳥衛社 其四

四門昭戒 六載幽求 道成樹下 法演鷲頭 其五

鷲子標藍 填主刻像 三界歸依 群生瞻仰 其六

口哉此寺 肇自楊公 心亡於法 事竭於忠 其七

劫此德基 忽遭煽燬 不絕人望 挺生公子 其八

寧祖靜域 顯孝匡邊 積善餘慶 口嗣口延 其九

口事天倫 敬而无失 恭履秋霜 友垂冬日 其十

難則歷試 位乃居謙 擢以百里 德化清廉 其一

政理之餘 留心喜捨 想布黃金 思題白馬 其二

乃仍舊貫 式建仁祠 斯于盡制 大壯得宜 其三

驪功既凝 貞氓可紀 其彼天長 盡善盡美 其四

元亨二年歲在丙午七月十五日

按雲南通志古蹟卷載姚州有興寶寺碑在城西

十八里段智興元亨二年立實宋淳熙十三年即

謂此碑也又通志寺觀卷興寶寺在姚州城西十

五里元宣光間建元無宣光之號其誤顯然据碑

則寺為大蒙建極年知軍事布燮楊楨之所勅蓋

金石錄卷一百六十一
建于蒙氏時矣建極之元建于唐宣宗大中十三年則元宣光者或是唐宣宗之訛碑題稱高踰城光再建自勅建至是閱歲三百四十餘年宜乎再建也高踰城光曾祖卽高泰明祖高明清考高踰城生高泰明卽大中國王高昇泰之子宋紹聖四年昇泰臨死遺命還國段氏段正淳立以昇泰爲相語已詳前此碑蓋紀興寶寺興建之由因述高氏之世德謂之德化者猶言功德也前碑題褒州陽派縣此碑題弄棟華府陽派郡唐書地理志哀州卽褒州本弄棟地方輿紀要姚州唐天寶末没干

南詔爲弄棟府治大理段氏仍置姚州据此碑則段氏尙稱弄棟未改姚州然謂之華府又以陽派縣爲陽派郡其建置諸書皆無攷碑載釋儒才照之官曰粉圍侍郎又曰賞米黃繡手披似卽袈裟之屬皆僅見此碑銘詞十四章章各四句又一體也碑書千頃作千傾百城作百成考槃作者盤似皆借用字

淵公塔銘

碑高五尺廣三尺厚八寸五分三面刻前面二十行側五行後面二十行行俱五十字左行正書在雲南

金石錄卷一百六十一
大理國淵公塔之碑銘 并序

楚州趙佑撰

淨徹昭融精真冲邃虛明靈體曠閭靈微豈可以闊狹
知其邊際稱量議其深淺且倏熏亡照之所覺勞而照
性已迷覩彼太虛之形翳本圓明之體四大都起萬象
交羅夢中重夢迷裏又迷故頭無得失之非見有忽狂
之客自此已往相去遠矣因差路殊非法身大士奚能
破塵出經安往法界者我 淵公隨緣白地誕粹于高
氏之族故相國公高太明之曾孫政國公明量之孫護
法公量成之子也母則王女諱成宗厥考護法公義武
定天下仁政法乾坤威行如秋仁行如春戎夷棄甲而
遠遁朝遑高枕而无虞中國蒙其惠異俗震其聲恩俾
造化而澤潤草萊德被生民而模範天下則公之爲公
之子也英姿卓茂氣韻清遠昂昂若雲鶴之處群雞也
自有不羈之態視榮貴如幻炎執身心我人爲甚倒慨
然有出世之心不肯爲凡夫年臬二十一日辭父兄出
家知其志不可奪不得已壯而許之公侯將相朝士大
夫及輿臺阜隸等皆曰今失命世之才莫不銜恨者故
尋經論以言之將入道門欲得其正如人造象先辦真
金象成之後體無增減用真心修无上菩提如將金爲

金石錄卷一百一十一
器器皆金用妄心修无上菩提如將瓦爲器器皆
瓦故若於因地以生滅心爲本修因欲求佛乘不生不
滅无有是處此諸聖之要言修行者之正因今公之發
菩提心也可謂得其正矣如不以喜怒哀樂發菩提心
富貴榮利發菩提心卽當以離前塵分別性發菩提心
稱法界性發菩提心如此則文殊師利菩薩不動智佛
主伴明矣如清涼謂啓明東廟智滿不異於初心寄位
南求因圓不逾於毛孔則龍女善財豈迂滯哉是以鬚
髮自茲而落俗裳自茲而變戒品冰潔威儀調順號智
元字皎淵衣鉢之外分寸无餘猶虛室頰頰妙用難窮

因自念創學之流未諳教跡執權爲實迷不進修不以
聖教爲繩墨明師作指南菩提涅槃尙在遙遠豈能會
諸地於先心短長劫於一念遂師於元凝尊者所以
崇德廣業虚心外身拂傲慢於貴法除人我於進修攝
漏塵之妄識餅裏之雀密遮檢放逸之幻身井中之蛇
深怕緣緣自淨物物无心謙尊而光昇而不可踰增上
慢者見之而暴慢革无明固者遇之而智慧生爲法修
忍三忍之行圓爲法除蔽六蔽之元淨振古佛之宗風
尋祖師之公案本分作家手段量度銀佛鉗鎚毀罵露
珠電掣讚善水月空花故當進齊乎佛果行弥於法界

難能而能不能於能者也。疑師於是曰：真个光昭先覺，可謂不忝後昆。自非得恁口人，安能有如是法。乃機緣俱會，遂悟旨於言下。卽以證入法界智如來果德理體妙慧爲修行之正因。如王寶印一時普印无前後成文也。故乃得生空之摠持，除闡提之不信。臻妙有之不一，極起万行以無疲。利貞皇叔於公世，則渭陽之親也。達磨西來之口祖，祖相傳燈。燈起焰自漢暨于南國，代不共人。至於王弟甚的見公之於法也。機深於教門也。進求以身爲逆旅，未曾尋於身以心爲緣相。豈可滯於心貪如瘴海，而不入嗔比誅戮而常離。於是相與爲善知識，无二三其心。以無作根本智，口口行之。因修法空之妙慧，行口利以無窮。出聲聞之清水，擢凡夫之淤泥。如彼蓮花斗頓馨香，无物以喻也。又與戒遵長老求法界之游，爲斲漫之友。以无言之深言，詮言絕之深理。以无爲之妙行，應无作之妙心。融真俗以無跡，鎔靜亂而不偏壞。其可壞遠離諸離，智慧悲拂跡而雙入行願。忘照以競興，五蘊付於雲夢。三界寄於電泡，張四心之仁羅。諸類以无遺展，四攝之義導。生品以咸歸，大哉生死無以牽其慮。涅槃无以住其心，悲智交羅自在運用。真大丈夫之學佛者也。乃尋經論以符契心，无證微言以

俯同元旨良以因深果奧行廣位高當處發揮无非佛
事貴與泰山之高利與滄溟之深而无以爲心則其口
口口口之善无不爲塵點之惡无不翦則其戒深矣
舟本无人奚司其吝則其忍廣矣因果交馳慣習功濟
則其進大矣境口口口口口口口口則其定凝
矣妙有昭廓而臨機變化靈鑒无極則其慧明矣觀其
臨時三昧觸事解脫者如或有憚公之調深行遠規矩
難摹故致燒之不置公嗒焉似喪其偶而不知其所也
公之友謂於公曰此不尊其尊无禮甚矣口當叱之公
曰何謂其然也彼其之子焉能使子不類哉吾之所學
者佛也所貴者法也可以小不忍而亂法界大謨乎子
不聞乎菩薩口口如飲鴆酒子當怒以怨乎公之友曰
吾儕闖茸未能至於此也然吾不忍見公之修忍也以
餅錫雲游乎又有畔婁之役公之弟公子口戰敗績而
爲人所擒拘之久矣而守者依公之友奏於公曰當解
拘以送之謂子不信有如皦日公曰无之文王拘於羑
里而天命有歸天其有命矣信則信矣以吾弟之賢而
汝曹送之則其事必矣然非吾佛法中事菩薩見詐如
畏豺狼吾可以行詐乎其万行芬披手帶窮萌多類於
此可同日而語哉抑迺唯心回轉而善成同時具足而

相應盡如來之境界同異之性亦滅淨昭廓而明生明
圓徹而覺滿異同之所不知无爲之理分明盡法界元
一真如際發妙用而鑑窮沙界蔭慈雲而覆涅槃海非
歷劫之功濟離念之蘊修豈能以定慧照用身心如此
之圓通也公以病故辭 凝尊者鳳臺之元庚申之冬
栖託於茲山焉順行而至已矣由是德行星羅寶澤雲
涌智周萬法而不爲悲等衆情而非已雖修万行不深
世間因果交徹單複互融如毘楞伽寶一切皆現其中
如夜夢千秋覺已隨滅矣且夫子以經義推其始終之
事行位重重事理融徹如此觀之則文殊初心普賢万

行弥勒極果明矣其家譜宗系者自觀音傳于施氏施
氏傳于道悟國師道悟傳于元凝元凝傳於公公之族
子有慧辯追蹤景行唯嗅薝蔔而嘗醍醐者公器之因
傳焉嗚呼公其來也化身歟其去也補處歟方綱三昧
之運用歟非世俗準儀言論云爲之所及耶以天開十
年甲戌歲十月二十四日端坐泊如也一念圓融具德
安住法界矣公以已巳歲生修行位中四十有六夏父
母之生六十有六年其嗣法弟子起塔于山辦事如法
已 帝命禮號塔曰實際謚曰頓覺禪師餘事備如畫
贊文具載孫高明生姪高善祐雖妙年而義誘其衷謂

開國已來一人而已可以將示來者故俾公弟高觀音
政檢按措意如公弟扶危撫弱防巢之義深者因申奏
上聞琢石立碑命臣佑輒書其大略也如公之大者
遠者非吾所與焉銘曰
法界之滓 天地是生 法界之靈 聖人是明 高
不可仰 深不可撐 緣謝歸元 獨悲衆情 千秋
萬歲 物是人非 松風踈散 苔葉因依 白雲其
住 山鳥猶歸 塔以表靈 碑以傳徽

時天開十六年庚辰歲八月十五日 貴國先生曾
孫蘇難陀智奉命書 釋戒護檢按 金襴杜隆義

雕書 王長連琢石

按淵公即相國護法公高量成之子高量成事已
詳前碑淵公年二十一出家天開十年甲戌歲端
坐而化年六十有六天開乃大理段智祥建元智
祥以宋寧宗開禧元年立改元天開至十年淵公
卒推其生在宋高宗紹興十九年是時其父高量
成討平三十七部叛夷以姪壽貞爲中國布變自
乃退居楚雄也

侗世父詹事公博通經史尤愛蒐羅金石文字少與青
浦少司寇王述庵先生同學長而同登進士第凡讀書
疑義無不相與參互攷訂勉爲名山不朽之業司寇與
世父嗜好旣同敷歷中外四十餘年足跡幾遍天下所
至輒喜訪求金薤遺文雖山陬海澨窮幽極險悉能摹
而致之故兩家所蓄亦相等世父中年解紱得以從容
稽攷先後刻潛研堂金石跋尾四集頗爲藝林愛重而
司寇亦據生平所得宗歐陽文忠公遺旨繫以跋語繼
欲仿洪文惠公隸釋隸續之例寫錄全文綴以前人論
議一一訓釋而證明之葺爲專書用示後學卒以吏牘

世父詹事公博通經史尤愛蒐羅金石文字少與青
浦少司寇王述庵先生同學長而同登進士第凡讀書
疑義無不相與參互攷訂勉爲名山不朽之業司寇與
世父嗜好旣同敷歷中外四十餘年足跡幾遍天下所
至輒喜訪求金薤遺文雖山陬海澨窮幽極險悉能摹
而致之故兩家所蓄亦相等世父中年解紱得以從容
稽攷先後刻潛研堂金石跋尾四集頗爲藝林愛重而
司寇亦據生平所得宗歐陽文忠公遺旨繫以跋語繼
欲仿洪文惠公隸釋隸續之例寫錄全文綴以前人論
議一一訓釋而證明之葺爲專書用示後學卒以吏牘

旁迂未之成也歸田後屢主書院講席又以事往返京師者再亦無暇悉心撰次迨嘉慶壬戌春却軌家居乃盡出篋笥所藏拓本自三代迄遼金幾一千通重整舊稿刪其繁蕪補其漏失以侗侍世父年久稍習歐趙以來諸家之書招致三泖里第畀以編校之役因偕仁和朱先生文藻同堂商榷司寇摠爲詳定凡三易稿五易寒暑始竣事而後付之梓人蓋其體大思精海涵地負集衆說之異同正史文之譌缺實爲嚮來金石家所未有而侗等得以皮傅淺學廁名簡末誠厚幸矣所可慨者是書至今年冬刮刷甫竟而世父先於去冬辭世未由一見其成此則司寇不能無伯牙絕弦之感而侗之所爲退而泣然者已時乙丑十一月門下士嘉定錢侗敬識

